


元史

六十三

本紀
世祖

卷三十四

柳田文庫
文庫11
D 284
2



文庫11
D 284
2

本紀卷第六

元史六

翰林學士李知制誥兼修國史宋濂翰林待制兼直學士知制誥兼國史修撰

勅撰

世祖三

二年春正月辛未朔日有食之癸酉山東廉訪使言
真定路總管張宏前在濟南乘變盜用官物詔以宏
嘗告李壇反免宏死罪罷其職徵贖物償官邳州萬
戶張邦直等違制販馬並處死數徙鎮海百里八謙
謙州諸色匠戶於中都給銀萬五千兩為行費又徙
奴懷忒木帶兒斲手人匠八百名赴中都造船運糧

己卯北京路行省給札剌赤戶東徙行糧萬石以鄧州監戰訥懷新舊軍萬戶董文炳並為河南副統軍甲申詔申嚴越界販馬之禁違者處死乙酉以河南北荒田分給蒙古軍耕種戊子諸王塔察兒使臣闊闊出至北京花道驛手殺驛吏郝用郭和尚有旨徵鈔十定給其主贖死庚寅城西番匣答路癸巳八東乞兒部牙西來朝貢銀鼠皮二千賜金素幣各九帛十有八武城縣王氏妻崔一產三男丁酉給親王玉龍答失部民糧二千石高麗國王王植遣其弟公珣奉表來貢二月辛丑朔元帥按東與宋兵戰于釣魚

山敗之獲戰艦百四十六艘甲辰初立官闡局戊申賜親王兀魯帶河間王印給所部米千石丁巳車駕幸上都癸亥并六部為四以麥朮丁為吏禮部尚書馬亨戶部尚書嚴志範兵刑部尚書別魯丁二部尚書禁山東東路私煎硝鹽甲子以蒙古人充各路達魯花赤漢人充總管回回人充同知永為定制以同知東平路宣慰使寶合丁為平章政事山東廉訪使王晉為叅知政事廉希憲商挺罷詔併諸王只必帖木兒所設管民官屬詔諭總統所僧人通五大部經者為中選以有德業者為州郡僧錄判正副都綱等

官仍於各路設三學講三禪會三月癸酉骨崑國人
襲殺吉里迷部兵敕以官粟及弓甲給之丁亥敕邊
軍習水戰屯田誅宋諜李官任乙未罷南北互市括
民間南貨官給其直遼東饑發粟萬石鈔百定賑之
夏四月戊午賜諸王合必赤亦怯烈金素幣各四拜
行金幣一五月壬午賞萬戶晃里答兒所部征吐蕃
功銀四百五十兩戊子禁北京平灤等處人捕獵庚
寅令軍中犯法不得擅自誅戮罪輕斷遣重者聞奏
敕上都商稅酒醋諸課毋徵其權益仍舊諸人自願
徙居永業者復其家詔西川山東南京等路戍邊軍

屯田閏五月癸卯升脩縣為景州辛亥檢覈諸王兀
魯帶部民貧無孳畜者三萬七百二十四人人月給
米二斗五升四閱月而止丙辰雅州碉門宣撫使請
復碉門城邑詔相度之癸亥移秦蜀行省於興元丙
寅命四川行院分兵屯田丁卯分四親王南京屬州
鄭州隸合丹鈞州隸明里睢州隸李羅赤蔡州隸海
都他屬縣復還朝廷以平章政事趙璧行省于南京
河南府大名順德洛陽彰德懷孟等路平章政事盧
希憲行省事于東平濟南益都淄萊等路中書左丞
姚樞行省事于西京平陽太原等路詔諸路州府若

自古名郡戶數繁庶且當衝要者不須改併其戶不滿千者可併則併之各投下者併入所隸州城其數府州郡戶少者不須更設錄事司及司候司附郭縣止令州府官兼領括諸路未占籍戶任差職者以聞六月戊申朔新得州安撫向良言頃以全城內附元領軍民流散南界者多欲歸順並乞招徠從之又敦良以所領新降軍民移戍通江縣行新得州事辛未賜阿朮所部馬價鈔一千二十三錠有奇丙子太陰犯心大星戊寅移山東統軍司於沂州萬戶重喜立十字路復正陽命充刺戍之己卯以淇州隸懷孟路高

麗國王王植遣其臣榮胤伯奉表來賀聖誕節千戶閻闢出部民乏食賜鈔賑之王晉罷樞密院臣言各路出征逃亡漢軍及貧難未起戶并投下隱匿事故者宜一槩發遣應役從之敕行院及諸軍將校卒伍須正身應役違者罪之秋七月辛酉益都大蝗饑命減價糶官粟以賑癸亥安南國王陳光昞遣使奉表來貢甲子詔賜光昞至元二年曆八月丙子濟南路鄒平縣進芝草一本戊寅上高麗國王王植遣使來貢方物己卯諸宰職皆罷以安童為中書右丞相伯顏為中書左丞相戊子召許衡於懷孟楊誠於益都章

衡

駕至自上都九月戊戌以...有事太廟取大樂工於
 東平預習儀禮敕江淮公造樹柵徐宿邳三州助役
 徒庚子皇孫鐵穆爾生丁巳賞諸王只必帖木兒麾
 下河西戰功銀二百五十兩冬十月己卯享于太廟
 癸未敕順天張柔東平嚴忠濟河間馬總管濟南張
 林太原石抹總管等戶改隸民籍統軍抄不花萬戶
 懷都麾下軍士所俘宋人九十二口官贖為民其私
 越禁界掠獲者四十五人許令親屬完聚並種田內
 地戊子詔隨路私商魯入南界者首實免罪充軍十
 一月丙申召李昶於東平辛丑賜諸王只必帖木兒

銀二萬五千兩鈔千錠癸丑賞楊文安戰功金五十
 兩所部軍銀六百兩及幣帛有差甲子詔事故貧難
 軍不堪應役者以兩戶或三戶合併正軍一名其丁
 單力備者許顧人應役十二月己巳省併州縣凡二
 百二十餘所庚午宋子貞言朝省之政不宜數行數
 改又刑部所掌事干人命尚書嚴忠範年少宜選老
 於刑名者為之又請罷北京行中書省別立宣慰司
 以控制東北州郡並從之禁朝省告訐以息爭訟辛
 未以諸王也速不花所部戍西蕃軍屢有戰功賞銀
 三百兩癸酉召張德輝於真定徒軍公履於衛州丁

元史紀事本末卷之六十一
三
丑詔諭高麗賜至元三年曆日癸未賜劉秉忠金五十兩甲申賜伯顏七不子貞揚誠銀千兩鈔六十錠丁亥敕選諸翼軍富強才勇者萬人充侍衛親軍已丑瀆山大主海成敕置廣寒殿是歲戶一百五十九萬七千六百一絲九十八萬六千二百八十八斤包銀鈔五萬七千六百八十二錠賜諸王金銀幣帛如歲例彰德大名南京河南府濟南淄萊太原弘州電西東京北京益都真定東平順德河間徐宿邳蝗旱太原霜災斃死罪四十二人

三年春正月乙未高麗國王王璠遣使來賀丙午遣

朶端趙璧持詔撫諭四川將吏軍民壬子立制國用使司以阿合馬為使癸丑選女直軍二千為侍衛軍四川行樞密院謀取嘉定請益兵命朶端趙璧摘諸翼蒙古漢軍六千人付之二月丙寅庶希憲宋子貞為平章政事張文謙復為中書左丞史天澤為樞密副使癸酉立瀋州以處高麗降民壬午平陽路僧官以妖言惑眾伏誅以中書右丞張易同知制國用使司事參知政事張惠為制國用副使癸未車駕幸上都甲申罷西夏行省立宣慰司初製太常禮樂工冠服立東京廣寧懿州開元懷品合懶婆娑等路宣撫

元史本紀卷第六
司乙酉蠲中都今年包銀四分之一詔理斷阿木部
下所俘人口畜牧及其草地為民侵種者以制國用
使司條畫論中外官吏三月辛巳分衛輝路為親王
玉龍各失分地戊戌賑水達達民戶饑己未王晉及
侍中和哲斯濟南益都轉運使王^明以隱匿益課皆
伏誅夏四月丁卯五山珎御榻成^四直瓊華島廣寒殿
亳州水軍千戶胡進等領騎兵渡泗水逾荆山與宋
兵戰殺獲甚衆賞鈔幣有差庚午赦僧道祈福於中
都寺觀詔以僧樸為總統屆慶壽寺己卯申嚴瀕海
私鹽之禁敕宮燭毋彩繪五月己未遣使諸路慮囚

庚子敕大醫院領諸路醫戶惠民藥局宰^以黃金
飾渾天儀丙午浚西夏中興漢延唐來寧渠凡良田
為僧所據者聽蒙古人分墾丙辰罷益都行省蠲平
灤益都質子戶賦稅之半六月丁卯封皇子南木合
為北平王以印給之辛未徙歸化民於清州興齊縣
屯田官給牛具壬申賜劉整畿內地五十頃癸酉以
千戶札剌兒沒于王事賜其妻銀二百五十兩丙子
立漕運司戊寅以陝西行省平章賽典赤等政事修
治賜銀五千兩命山東統軍副使王仲仁督造戰船
于汴申嚴陝西河南竹禁^立拱衛司秋七月丙申罷

急州安撫司壬寅詔上都路總管府遇車駕巡幸行
留守司事車駕還即復舊丙午遣使祠五嶽四瀆甲
寅添內外巡兵外路每百戶選中產者一人充之其
賦令餘戶代輸在都增武衛軍四百己未以惲代堅
臺四州隸忻州詔令西夏避亂之民還本籍成都新
民爲豪家所庇者皆歸之州縣詔招集逃亡軍限百
日詣所屬陳首原其罪貧者併戶應役八月癸亥賜
丞相伯顏第一區丁卯以兵部侍郎黑的禮部侍郎
殷弘使日本賜書曰皇帝奉書日本國王朕惟自古
小國之君境土相接尚務講信修睦况我祖宗受天

明命奄有區夏遐方異域畏威懷德者不可悉數朕
即位之初以高麗無辜之民久瘁鋒鏑即令罷兵還
其疆場反其旄倪高麗君臣感戴來朝義雖君臣而
歡若父子計王之君臣亦已知之高麗朕之東藩也
日本密邇高麗開國以來不時通中國至於朕躬而無
一乘之使以通和好尚恐王國知之未審故特遣使
持書布告朕心冀自今以往通問結好以相親睦且
聖人以四海爲家不相遠迤好豈一家之理哉以至用
兵夫孰所好王其圖之詔高麗遣去使至其國戊
子高麗國王王植遣其大將軍朴瑛來賀聖誕節阿

元史卷一百一十五
木畧地斬黃俘獲以萬計九月戊午車駕至自上都
冬十月庚申朔降德興以爲奉聖州癸亥高麗使還
以王植病詔和藥賜之丁丑徙平陽經籍所于京師
更敕牒舊式太廟成丞相安童伯顏言禮宗世數尊
謚廟號增祀四世各廟神主配享功臣法服祭哭等
事皆宜定議命平章政事趙璧等集群臣議定爲八
室申禁京畿畋獵壬午命制國用使司造神臂弓千
張矢六萬十一月辛卯初給京府州縣司官吏俸及
職田戊戌頒御河立漕倉丁未申嚴殺牛馬之禁宋
子貞致仕辛亥以忽都魯兒爲中書左丞相詔禁天

文圖識等書丙辰千五百散竹帶以嗜酒失所守大良
平罪當死錄其前功免死令往東川軍前自效詔建
都使復歸朝又詔嘉定等府沿江一帶城堡早降又
詔四川行樞密院遣人告諭江漢庸蜀等效順具官
吏姓名對階換授有功者遷有才者用民無生理者
以衣糧賑之願遷內地者給以田廬毋令失所十二
月庚申給諸王合必赤行軍印辛酉詔改四川行樞
密院爲行中書省以賽典赤也速帶兒等參行中書
省事甲子立諸路洞冶所以梁成生擒宋總轄官授
同知開州事佩金符減輝州竹課先是官取十之六

至是減其二丁亥詔安肅公張柔行工部尚書段天祐等同行工部事修築宮城併太府監入宣徽院仍以宣徽使專領監事詔賜高麗以至元四年曆日仍慰諭之建大安閣于上都鑿金口導廬溝水以漕西山木石敕諸越界私商及諫人與偽造鈔者送京師審覈是歲天下戶一百六十萬九千九百三東平濟南益都平樂真定洛磁順天中都河間北京蝗京兆鳳翔旱斷死罪九十六人賜諸王金銀幣帛如歲例四年春正月甲午陝西行省以開州新得復失請益兵敕平陽延安等處簽民兵三千人山東河南懷孟潼川調兵七千人益之丁酉申嚴平陽等處私鹽之禁壬寅立茶速禿水十四驛癸卯勅修曲阜宣聖廟乙巳百濟遣其臣梁浩來朝賜以錦繡有差禁僧官侵理民訟辛亥封安肅公張柔為蔡國公以趙壁為樞密副使立諸路洞冶都總管府癸丑敕封昔木土山為武定山其神曰武定公泉為靈淵其神曰靈淵侯僉蒙古軍戶二丁三丁者出一人為軍四丁五丁者二人六丁七丁者三人乙卯高麗國王王植遣使來朝詔撫慰之戊午立提點宮城所新上都隆興府自為一路行總管府事立開元等路轉運司城大都

二月庚申粘合南合復平章事阿里復爲中書右丞
丁卯改經籍所爲弘文院以馬天昭知院事丁亥括
西夏民田徵其租軍駕幸上都詔陝西行省招諭宋
人又詔嘉定瀘州重慶夔府涪遠忠萬及釣魚禮義
大良等處官吏軍民有能率衆來降者優加賞擢三
月己丑復以耶律鑄爲中書右丞相辛卯自潼關至
蘄縣立河渡官八員以察姦僞乙未敕中都路建習
樂堂使樂工隸業其中己亥賜皇子燕王忙阿剌那
没罕忽哥赤銀三萬兩辛丑夏津縣大雨雹壬寅安
童言此者省官負數平章左丞各一員今丞相五人

素無此例臣等議擬設二丞相臣等蒙古人三員惟
陛下所命詔以安童爲長史天澤次之其餘蒙古漢
人參用勿令負數過多又詔宜用老成人如姚樞等
一二員同議省事丁巳耶律鑄制宮縣樂成詔賜名
大成夏四月甲子新築宮城辛未遣使祀岳瀆五月
丁亥朔日有食之敕上都重建孔子廟乙未應州大
水丙申威州山後大番弄麻等十一族來附賜以璽
書金銀符已酉以捕獵戶達魯花赤僞造銀符處死
壬子敕諸路官吏俸令包銀民戶每四兩增納一兩
以給之丙辰析東平之博州五城別爲一路六月壬

戊以中都順天東平等處蠶災免民戶絲料輕重有
差乙丑復以史天澤為中書左丞相忽都答兒耶律
鑄並降平章政事伯顏降中書右丞廉希憲降中書
左丞阿里張文謙並降叅知政事乙酉賜諸王玉龍
谷失銀五千兩幣三百歲以為常罷宣徽院黑的散
弘以高麗使者宋君斐金贊不能導達至日本來奏
降詔責高麗王王植仍令其遣官至彼宣布以必得
要領為期秋七月丙戌朔敕自中興路至西京之東
勝立水驛十戌戌罷息州安撫岳林以其民隸南京
路罷懷孟路安撫李宗傑以其民隸本路改鞏昌鳳
翔京兆等處未占籍戶一千修治四川山路橋梁棧
道大名路達魯花赤愛魯總管張弘範等盜用官錢
罷之壬寅申嚴京畿牧地之禁甲寅詔亦即納新附
貧民從人借貸因不能償者官為償之仍給牛具種
實及糧食簽東京軍千八百人充侍衛軍八月庚申
填星犯天鐔辛酉申嚴平灤路私鹽酒醋之禁丙寅
復立宣徽院以前中書右丞相線真為使丁丑封皇
子忽哥赤為雲南王賜駝鈕金鍍銀印壬午太白犯
軒轅大星命怯綿征建都高麗國王王植遣其秘書
監郭汝弼來賀誕節阿木魯地至襄陽傳生口五

萬馬牛五千宋人遣步騎來拒阿朮率騎兵敗之九月壬辰作玉殿于廣寒殿中乙未總帥汪良臣請立寨於毋章德山控扼江南以當鈞魚之衝從之戊申以許衡爲國子祭酒安南國王陳光昞遣使來貢禮詔答之立大理等處行六部以闊闕帶爲尚書兼雲南王傳鼎楨尚書兼府尉甯源侍郎兼司馬庚戌起雲南王忽哥赤鎮大理部闡茶罕章赤禿哥兒金齒等處詔撫諭吏民又詔諭安南國俾其君長來朝子弟入質編民出軍役納賦稅置達魯花赤統治之丙寅申嚴西夏中興路僧尼道士商稅酒醋之禁去甲駕至自上都王鶚請立選舉法有旨今議舉行有司難之事遂寢冬十月辛酉制國用司言別怯赤山石絨織爲布火不能然詔采之壬戌賜駙馬不花銀印魚通崑州等處達魯花赤李福招諭西番諸族酋長以其民入附以阿奴版的哥等爲噶吾等處總管並授璽書及金銀符鐵旗城後番官官折蘭遣其子天郎持先受憲宗璽書金符乞改授新命從之甲子歲星犯軒轅大星辛未太原進嘉禾二本異畝同穎甲戌賑新附民陳忠等錄丁丑制國用使司請量節經用從之庚辰定品官子孫廢敘格十一月乙酉享于

太廟戊戌立新蔡縣以忽察李家奴統所部兵戌之
甲辰立夔府路總帥府戌開州乙巳填星犯天壽距
星申嚴京畿改獵之禁南京宣慰劉整赴闕奏攻宋
方畧宜先從事襄陽十二月甲戌賞河南路統軍使
訥懷所部將士戰功銀九千六百五十兩鈔幣鞍勒
有差丙子賑親王移相哥所部饑民丁丑給遼東新
蔡軍布六萬匹己卯立遼東路水驛七賞元帥阿朮
部下有功將士二千二十五人銀五萬五千三百兩
金五十兩及錦綵鞍勒有差庚辰簽女直水達達軍
三千人立諸位幹脫總管府省平陽路岳陽和州一

縣入冀氏復置霸州益津縣省安西路櫟陽縣入臨
潼是歲天下戶口一百六十四萬四千三十山東河
南北諸路蝗順天東鹿縣旱免其租斷死罪一百十
四人賜諸王金銀幣帛如歲例
五年春正月甲午太陰犯井庚子上都建城隍廟辛丑
敕陝西五路四川行省造戰艦五百艘付劉整高麗
國王王植遣其弟温來朝詔以衽飾辭見欺面數其
事於滄切責之後遣北京路總管于也孫脫禮部郎
中孟甲持詔往諭令具表遣海陽公金俊侍郎李歲
用與去使同來以聞庚戌賜高麗國新曆閏月戊午

以陳亮穎蔡壽處屯曰戶充軍令益都漏籍戶四千
淘金登州撫震縣每戶輸金歲四錢二月戊子太陰犯
天關己丑太陰犯井裕河南山東貧乏軍士鈔成戌改
軍器局爲軍器監辛丑百戶渾都速駐營濟南路屬
縣三年脅取民飲食糶料當粟五千石款杖決之仍
償粟千石析甘州路之肅州自爲一路三月丙寅罷
諸路四品以下子孫入質者曰爲妖言救減死流之
遠方禁民間兵器犯者驗多寡定罪甲子救怯綿率
兵二千招諭建都壬申改母章德山爲定遠城武群
山爲武勝軍丁丑救阿里等詣軍前閱視軍籍罷諸
路女直契丹漢人爲達魯花赤者回回畏兀乃蠻唐
兀人仍舊夏四月壬寅遣使祀嶽瀆五月辛亥朔以
太醫院拱衛司教坊司及尚食尚果尚醞三局隸宣
徽院癸亥都元帥百家奴拔宋嘉定五花石城白馬
三紫癸酉賜諸王禾忽及八刺合幣帛六萬匹六月
辛巳朔濟南王保和以妖言惑衆謀作亂救誅首惡
五人餘勿論甲申中山大雨雹阿木言所領者蒙古
軍若遇山水皆拚非漢軍不可宜令史樞率漢軍協
力征進從之戊申東平等處蝗己酉封諸王習怯言
爲河平王賜駝鈕金印秋七月辛亥召翰林直學士

高鳴順州知州劉瑜中都郝謙李天輔韓彥文李祐
赴上都以山東統軍副使王仲仁戍眉州壬子詔陝
西統軍司兼領軍民錢穀罷各路奧魯官令管民官
兼領癸丑立御史臺以右丞相塔察兒爲御史大夫
詔諭之曰臺官職在直言朕或有未當其極言無隱
毋憚他人朕當爾主仍以詔諭天下立高州北二驛
戊辰罷西夏宣撫司庚午省諸路打捕鷹坊工匠洞
冶總管府令轉運司兼領之丙子立西夏惠民局高
麗國王王植遣其臣崔東秀來言備兵一萬造船千
隻詔遣都統領脫朵兒往閱之就相視黑山日本道
路仍命耽羅別造船百艘以伺調用詔四川行省賽
典赤自利州還京兆立東西二川統軍司以劉整爲
都元帥與都元帥阿朮同議軍事整至軍中議築白
河口鹿門山遣使以聞許之罷軍中諸司叅議八月
乙酉程思彬以投匿名書言斥乘輿伏誅己丑亳州
大水庚子敕京師瀕河立十倉命忙古帶率兵六千
征西番建都九月癸丑中都路水免今年田租罷中
都路和顧所丁巳阿朮統兵圍樊城敕長春宮修設
金籙周天大醮七晝夜建堯廟及后土太寧宮庚申
賜安南國王陳光昞錦綉及其諸臣有差己丑立河

南屯田命兵部侍郎黑的禮部侍郎殷弘齋國書復
使日本仍詔高麗國遣人導送期於必達毋致如前
稽阻詔諭安南國陳光昞來奏稱占城真臘二寇侵
擾已命卿調兵與不干併力征討今復命雲南王忽
哥赤統兵南下卿可遵前詔遇有叛亂不庭爲邊寇
者發兵一同進討降服者善爲撫綏車駕至自上都
益都路饑以米三十一萬八千石賑之復以史天澤
爲樞密副使冬十月戊寅朔日有食之己卯敕中書
省樞密院凡有事與御史臺官同奏立河南等路行
中書省以叅知政事阿里行中書省事庚辰以御史

中丞阿里爲叅知政事壬午詔恤沿邊諸軍其橫科
差賦責與魯官償之庚寅敕從臣禿忽思等錄毛詩
孟子論語乙未享于太廟中書省臣言前代朝廷必
有起居注故善政嘉謨不致遺失即以和禮霍孫獨
胡刺充翰林待制兼起居注敕給黎雅嘉定新附民
田戊戌宮城成劉秉忠辭領中書省事許之爲大保
如故十一月己酉簽河南山東邊城附籍諸色戶充
軍庚申宋兵自襄陽來攻沁山諸寨阿朮分諸軍禦
之斬獲甚衆立功將士千三百四入詔旨立戰功生
擒敵軍者各賞銀五十兩其餘賞賚有差癸酉御史

臺臣言立臺數月發摘甚多追理侵欺糧粟近二十萬石錢物稱是有詔褒諭免南京河南兩路來歲修築都城役夫十二月戊寅以中都濟南益都淄萊河間東平南京順天順德真定恩州高唐濟州北京等處大水免今年田租敕二分二至及聖誕節日祭星于司天臺詔諭四川行省沿邊屯戍軍士逃役者處死復置乾州奉天縣省好時永壽入焉以鳳州隸興元路德興府改奉聖州隸宣德是歲京兆大旱天下戶一百六十五萬二百八十六斷死罪六十九人賜諸王金銀幣帛如歲例

六年春正月癸丑高麗國王王植遣使獻詠權臣金佖來告賜曆日西錦立四道按察司戊午阿木軍入宋境至復州德安府荆山等處俘萬人而還庚申以叅知政事楊果爲懷孟路總管甲戌益都淄萊大水恩州饑命賑之敕史天澤與樞密副使駙馬忽剌出董師襄陽二月壬午以立四道提刑按察司詔諭諸道己丑詔以新製蒙古字頒行天下丙申罷宣德府稅課所以上都轉運司兼領改河南懷孟順德三路稅課所爲轉運司丁酉簽民兵二萬赴襄陽賑欠州人匠貧乏者米五千九百九十九石敕鞍靴箭鏃等

物自今不得以黃金為飾開元等路饑減戶賦布二
疋秋稅減其半水達達戶減青氣二其租稅被災者
免徵免董十一貧乏軍士一千九百餘戶為民癸卯給
河南行省鈔千錠補軍三月甲寅詔益都路簽軍萬
人人給鈔二十五貫歲半賑曹州饑築堡鹿門山夏
四月辛巳製玉璽大小十紐甲午遣使祀岳瀆大名
等路饑賑米十萬石五月丙午東平路饑賑米四萬
一千三百餘石辛酉詔禁成遠軍士牧踐屯田禾稼
六月辛巳以招討怯綿征建都敗績又擅追唆火兒
歷書金符憂死壬午免益都新簽軍軍丁者千六百
二十一人為民丁亥河南河北山東諸郡蝗癸巳敕
真定等路旱蝗其代輸築城役夫戶賦悉免之丙申
高麗國王王植遣其世子慤來朝賜植玉帶一慤金
五十兩從官銀幣有差壬寅阿朮率兵萬五千人院
宋萬山射獰岡鬼門關樵蘇之路癸卯詔董文炳等
率兵二萬二千人南征東昌路饑賑米二萬七千五
百九十石秋七月丁巳遣宋私商四十五人還其國
庚申水軍千戶邢德立張志壽生擒宋荆鄂都統唐
永堅賞銀幣有差辛酉製太常寺祭服壬戌西京大
雨雹已巳立諸路蒙古字學癸酉立國子監詔遣官

審理諸路冤滯正犯死罪明白者各正典刑其雜犯死罪以下量斷遣之又詔諭宋國官吏軍民示以不欲用兵之意復遣都統領脫朶兒統領王昌國等往高麗點閱所備兵船及相視耽羅等處道路立西蜀四川監榷茶場使司宋將夏貴率兵船三千至鹿門山萬戶解汝楫李庭率舟師敗之俘殺二千餘人獲戰艦五十艘八月己卯立金州招討司丙申以沙爾州鈔法未行降詔諭之詔諸路勸課農桑命中書省采農桑事列爲條目仍令提刑按察司與州縣官相其國臣僚擅廢國王王植立其弟安慶公溥詔遣幹桑思不花李諤等往其國詳問條具以聞九月癸丑息州進嘉禾一莖三穗戊午敕民間貸錢取息雖踰限止償一本息己未授高麗世子王愷特進上柱國東安公壬戌豐州雲內東勝罕免其租賦戊辰敕高麗世子愷率兵三千赴其國難愷辭東安公乃授特進上柱國辛未敕管軍萬戶宋仲義征高麗以忽剌出史天澤並平章政事阿里中書右丞行河南等路中書省事賽典赤行陝西五路西蜀四川中書省事車駕至自上都幹桑思不花李諤以高麗刑部尚書

金方慶至奉權國王 滔表訴國王 植遘疾 令弟滔權
國事 冬十月己卯定 朝儀服色 壬午 陞高唐冠氏並
為州 丁亥 廣平路旱 免租賦 詔遣兵部侍郎黑的 滸
萊路總管府判官徐 世雄 召高麗國王 王植 王弟 滔
及權臣 林衍 俱赴闕 命國王 頭輦哥 以兵 壓其境 趙
璧 行中書省 于東京 仍降詔 諭高麗 國軍民 庚子 太陰
犯辰星 宋遣人 餽鹽糧 入襄陽 我軍 獲之 賜諸王 與
魯赤 駝鈕 金鍍銀 印 十一月 癸卯 高麗 都統領 崔坦
等 以林 衍作亂 挈西 京五十 餘城 來附 丁未 篤王 縛
其 茶丘 軍三千 人 往 庭高麗 西京 都統 李延齡
乞益 兵遣 忙哥 都率 兵二千 赴之 庚午 敕諸 路鰥寡
癯疾 之人 月給 米二斗 安南 國王 陳光 晒遣 使來 貢
濟南 饑以 米十二 萬八千 九百 石賑之 高麗 國王 王
植遣 其尚 書禮部 侍郎 朴然 從黑的 入朝 表稱 受詔
已復 位尋 當入 覲築 新城 于漢 江西 十二月 戊子 築
東安 渾河 堤已 丑作 佛事 于太 廟七晝 夜高 唐固 安
二州 饑以 米二萬 六百 石賑之 析彰 德懷 孟衛 輝為
三路 陞林 慮縣 為林 州改 橫州 復為 韓城 縣併 省馮
翊等 州縣 十所 以懿 州廣 寧等 府隸 東京 是歲 天下
戶一 百六 十八 萬四 千一 百五 十七 賜諸 王金 銀幣

帛如歲例斷死罪四十二人

[Faint bleed-through text from the reverse side of the page]

本紀卷第七

元史七

翰林學士畢夫知制誥兼樞密院編修官吳桂芳奉

勅撰

世祖四

七年春正月辛丑朔高麗國王王禕遣使來賀丙午
耶律鑄廉希憲罷立尚書省罷制國用使司以平章
政事忽都答兒為中書左丞相國子祭酒許衡為中
書左丞制國用使阿合馬平章尚書省事同知制國
用使司事張易同平章尚書省事制國用使司副使
張惠簽制國用使司事李堯咨麥木丁並參知尚書

者事已酉太陰犯畢敕諸投下官隸中書省壬子敕
驛券無印者不許乘傳甲寅高麗國王王植遣使來
言比奉詔臣已復位今從七百人入覲詔令從四百
人來餘留之西京詔高麗西京內屬改東寧府畫慈
悲嶺為界丁巳以蒙哥為安撫高麗使佩虎符率兵
戍其西境戊午均房州總管孫嗣擒宋統制朱興祖
等丙寅賑兀魯吾民戶鈔丁卯定省院臺文移體式
二月辛未朔以前中書右丞相伯顏為樞密副使甲
戌築昭應宮于高梁河丙子帝御行宮觀劉秉忠字
羅許衡及太常卿徐世隆所起朝儀大宛舉酒賜之
丁丑以歲饑罷修築宮城役夫甲申置尚書省署之
酉立總甲局申嚴畜牧損壞木稼桑果之禁壬辰立
司農司以參知政事張文謙為卿設四道巡行勸農
司乙未宋襄陽出步騎萬餘人兵船百餘艘來趨萬
山堡萬戶張弘範千戶脫脫擊却敗之事聞各賜金
紋錢有差高麗國王王植來朝求見皇子燕王詔曰
汝一國主也見朕足矣植請以子懋見從之詔諭植
曰汝內附在後故班諸王下我太祖時亦都護先附
即令齒諸王上阿思蘭後附故班其下卿宜知之又
詔令國王頭輦哥等舉軍入高麗舊京以脫脫朵兒

焦天冀為其國達魯花赤護送還國仍下詔抹衍
廢立罪不可赦安慶公渴本非得已在所寬宥有能
執送衍者雖舊在其黨亦必重增官秩世子懼奏乞
隨朝及尚主不許命隨其父還國三月庚子朔日有
食之改河南等路及陝西五路西蜀四川東京等路
行中書省為行尚書省尚書省臣言河西和羅應僧
人豪官富民一例行之制可甲寅車駕幸上都丙辰
浚武縣御河丁巳定醫官品從戊午益都登萊蝗旱
詔減其今年包銀之半阿木與劉整言圍守襄陽必
當以救水軍造戰艦為先務詔許之救水軍七萬餘

人造戰艦五千艘夏四月壬午檀州隕黑霧一夕設
諸路蒙古字學教授救諸路達魯花赤子弟以叙充
散府諸州達魯花赤其散府諸州子弟以叙充
花赤諸縣子弟充巡檢改御史臺典事為都事以叙充
定軍官等級萬戶總管千戶百戶總把以軍士為差
已丑省終南縣入整屋復真定贊皇縣太原樂平縣
高麗行省遣使來言權臣林衍死其子惟茂擅襲令
公位為尚書宋宗禮所殺島中民皆出降已遷之舊
京衍黨裴仲孫等復集餘衆立植庶族承化侯為王
竄入珍島五月辛丑懷州河內縣大雨雹癸卯陝西

簽省也速帶兒嚴忠範與東西川統軍司率兵及宋
兵戰于嘉定重慶釣魚山馬湖江皆敗之後三
都統牛宣俘獲人民及馬牛戰艦無算甲辰感
鳳川番族八千戶內附其酋長來朝授宣命賜金符
丁未東京路饑兼運糧造船勞役免今年絲銀丁之
三以同知樞密院事合谷為平章政事乙卯復平瀛
路撫寧縣以海山昌黎入之丙辰括天下戶尚書省
臣言諸路課程歲銀五萬錠恐疲民力宜減十分之
一運司官吏俸祿宜與民官同其院務官量給工食
乃禁所司多取於民歲終較其增損而加黜陟上都

地里遠商旅往來不易特免收稅以優之惟市易
莊宅奴婢宰畜例收契本工墨之費管民官遷轉以
三十月為一考數於變易人心苟且自今請以六十
月遷轉諸王遣使取索諸物及鋪馬等事自今並以
支移毋得口傳教令並從之改宣徽院為光祿司秩
正三品以宣徽使線真為光祿使庚申命樞密院
實軍數壬戌東平府進瑞麥一莖二穗三穗五
各一本省中都打捕鷹坊總管府入工部六名
等路桑蠶皆災南京河南等路蝗減今年銀絲
三六月丙子救西夏中興市馬五百疋庚辰救
成軍

還有一食及病者令所過州城村坊主者給飲食醫藥丁亥罷各路洞台總管府以轉運司兼領徒
早匠于松山給牛具賜皇子南木合馬六千牛三千羊一萬賜北邊戍軍馬二萬牛一千羊五萬丙申立藉田大都東南郊禁民擅入宋境剽掠秋七月辛丑設上林署乙卯賜諸王拜答寒印及海青金符二庚申初給軍官俸壬戌僉諸道回回軍乙丑閱實諸路礮手戶部元帥也速帶兒等畧地光州敗宋兵八千金剛臺以遼東關元等路總管府兼本路轉運司事山東諸路旱蝗免軍戶田租戍邊者給食連魚花赤

兀良吉帶給上都扈從政獵糧八月戊辰朔築環城以逼襄陽己巳賑應昌府饑諸王拜答寒戶部告饑命有車馬者徙居黃忽兒王良之地計口給糧無車馬者就食肅沙甘州戊寅陸奧府總管共刺幹院盜用官錢羅庚辰以御史大夫塔察兒同知樞密院事御史中丞帖只為御史大夫高麗世子王禧來賀聖誕節辛巳設應昌府官吏辛卯保定路雷雨傷禾稼九月庚子敕僧道也里可温有家室不仕戒律者占籍為民壬巳太陰犯井丙寅括河西戶口定四稅宋將范文虎以兵艇二千艘大援襄陽阿木合答劉整

率兵逆戰于灌子灘殺掠^十餘人獲船二十艘文虎
引退西京饑^十教諸王阿只吉所部就食太原山東饑
教益都濟南酒稅以十之二^十收糧冬十月丙辰朔教
兩省以已奏^十事報御史臺庚午太白犯吉執法焚^十
教宗廟祭祀祝文書以國字乙亥宋人攻善州乙酉
辛子太廟丁亥以南京河南兩路旱蝗減今年差賦
十之六發清滄鹽二十四萬斤轉南京米十萬石並
給襄陽軍已丑款來年太廟牲牢勿用羔豕豕以野豕
代之時果勿市取之內園車駕至上都降與中府
為州賑山東淄萊路饑十一月壬寅焚感^十犯太微西
垣上將壬子河西諸郡諸王頓舍僧民協力供給丁
巳款益兵二千合前所發軍為六千屯田高麗以忻
都及前左壁總帥史樞並為高麗金州等處經畧使
佩虎符領屯田事仍詔諭高麗國王立侍儀司安南
國王陳光昞遣使來貢優詔答之復賑淄萊路饑閏
月丁卯朔高麗世子王懋還賜王植至元八年曆戊
辰禁繒段織日月龍虎及以龍犀飾馬鞍者己巳給
河西行省鈔萬錠以充歲費以義州隸延安府癸未
詔諭西夏提刑按察司管民官禁僧徒冒^十據民田壬
辰申明勸課農桑嘗罰之^十詔諭諸路脫脫不孫^十

元史卷一百一十五

七

二月丙申朔改司農司為大司農司添設巡行勸農使副各四員以御史中丞李羅兼大司農兼領前無此例有旨司農非細事朕深諭此其今字羅總之命陝西等路宣撫使入趙良弼為祕書監充國信使使日本救歲祀太社六稷風師雨師雷師成成秋懷孟新民千八百餘戶居河西壬寅陞御史大夫秋正二品降河南韶州為潯池縣宋重慶制置朱禔孫遣謀者持書榜來誘安撫張大悅等夫悅不發封以謀者送致東川統軍司一未金齒驃國三部酋長阿匿福勒丁阿匿八來內附獻馴象三

馬十九年巳酉無通路知府高曳失獲宋謀者詔賞之辛酉以都水監蘇大司農司以諸王伯忽兒為札魯忽赤之長建大護國仁王寺于高良河敕更定僧服色是歲天下戶一百九十三萬九千四百四十九賜先朝后妃及諸王金銀幣帛如歲例斷死刑四十四人

八年春正月乙丑朔高麗國王王植遣其祕書監朴慎郎將崔有滄來賀兼奉歲貢丙寅太陰犯畢巳卯以同僉河南等路行中書省事阿里海牙參知尚書省事中書省臣言前旨令臣與樞密院御史臺議

河南行省阿里伯等所置南陽等處屯田臣等以爲凡屯田人戶皆內地中產之民遠徙失業宜還之本籍其南京南陽歸德等民賦自今悉折輸米糧貯於便近地以給襄陽軍食前所屯田阿里伯自以無效引伏宜令州郡募民耕佃從之史天澤告老不見敕前築都城徙居民三百八十二戶計其直償之設樞密院斷事官遣兀都蠻率蒙古軍鎮西方當當丙戌高麗安撫阿海畧地琉島與逆黨遇多所亡失中書省臣言謀知琉島餘糧將竭宜棄弱攻之詔不許令巡視檢要常爲之備丁亥嘗如仁費正寅以國機事

爲書謀遣崔繼春賈菲山路坤入宋事覺窮治正負如仁繼春皆正典刑靠山坤並流遠方壬辰敕諸路課寡孤獨疾病不能自存者官給廬舍薪米高麗國王王植遣使奉表爲世子懋請昏詔禁邊將受賂放軍及料斂賑北京益都饑二月乙未朔定民間婚聘禮幣貴賤有差丁酉發中都真定順天河間平瀛民二萬八千餘人築宮城巳亥罷諸路轉運司入總管府以尚書省奏定條畫頒天下移陝蜀行中書省于興元癸卯四川行省也速帶兒言比因饑饉盜賊滋多宜加顯戮詔令群臣議安童以爲強竊盜賊一皆

處死恐非所宜罪至死者仍舊待命以中書左丞東
京等路行尚書省事趙璧爲中書右丞甲辰添設監
察御史六員命怒都答兒持詔招諭高麗林衍餘黨
裴仲孫乙巳大理等處宣慰都元帥寶合丁王傳聞
闊帶等協謀毒殺雲南王火你赤曹楨發其事寶合
丁闊闊帶及柯老瓦丁亦速夫並伏誅賞楨火你赤
及諸左人金銀有差以沙州瓜州鷹坊三百人充軍
戊申詔以治事日程諭中外官吏敕往畏吾兒地
市米萬石庚戌申嚴東川井鹽之禁己未敕軍官佩金
銀符其民庶工匠所佩符並拘入勿復給敕海峽

用太祖皇帝御署庚申奉御九任舊以梳櫛奉太祖
奉所落鬚髮束上詔積之藏于太廟夾室辛酉敕凡
訟而自匿及誣告人罪者以其罪罪之分歸德爲散
府割宿亳邳徐等州隸之并申州爲南陽府割唐鄧
裕嵩汝等隸之賑西京饑三月乙丑增治河東山西
道按察司改河東陝西道爲陝西四川道山北東西
道爲山北遼東道甲戌敕元正聖節朝會凡百官表
章外國進獻使臣陛見朝辭禮儀皆隸侍儀司丙子
改山東河間陝西三路鹽課都轉運司爲都轉運鹽
使司己卯中書省臣言高麗叛臣裴仲孫乞諸軍退

屯然後內附而忻都未從其請今願得全羅道以居
直隸朝廷詔以其飾詞遷延歲月不允辛巳復立夏
邑縣以碭山入焉省穀熟入睢陽濱棣萬戶韓世安
坐私儲糧食燒毀軍器詐乘驛馬及擅請諸王塔察
兒益都四縣分地等事有司屢以爲言詔誅之仍籍
其家甲申車駕幸上都乙酉許衡以老疾辭中書機
務除集賢大學士國子祭酒衡納還舊俸詔別以新
俸給之命設國子學增置司業博士助教各一員選
隨朝百官近侍蒙古漢人子孫及俊秀者克生徒丁
亥熒惑犯太微西垣上將已丑立西夏中興等路行
尚書省以趙海參知行尚書省事命尚書省闕實天
下戶口頒條畫諭天下賑益都等路饑敕有司毋留
獄滯訟以致越訴違者官民皆罪之制封皇子燕王
乳母趙氏函國夫人夫鞏德祿追封德育公夏四月
壬寅高麗鳳州經畧司忻都言叛臣裴仲孫稽留使
命負固不服乞與忽林赤王國昌分道進討從之平
灤路昌黎縣民生子中夜有光詔加鞠養或以爲非
宜帝曰何幸生一好人母生嫉心也命高麗簽軍征
瑠島癸卯給河南行中書省歲用銀五十萬兩仍敕
襄樊軍士自今人月給米四斗甲辰簽壯丁備宋戊

午阿朮率萬戶阿剌罕等與宋將范文虎等戰于滌
灘敗之獲統制朱勝等百餘人奪其軍器賞阿朮阿
剌罕等金帛有差以至元七年諸路災蠲今歲絲料
輕重有差五月乙丑以東道兵圍守襄陽命賽典赤
鄭鼎提兵水陸並進以趨嘉定汪良臣彭天祥出重
慶札剌不花出瀘州曲立吉思出汝州以牽制之改
簽省也速帶兒鄭鼎軍前行尚書事賽典赤行省事
于興元轉給軍糧丙寅宰魚國來貢己巳修佛事于
瓊華島辛未分大理國三十七部為三路以大理八
部蠻酋新村降詔撫諭壬申造內外儀仗丁丑賑濟

州饑己卯命史天澤平章軍國重事陞太府監為正
三品忻都史樞表言玠島賊徒敗散餘黨竄入耽羅
辛巳賜河西行省金符銀海青符各一令蒙古官子
弟好學者兼習算術癸未升濟州為濟寧府以玉宸
院隸宣徽院高麗國王王祖遣使貢方物六月甲午
敕樞密院凡軍事徑奏不必經由尚書省其干錢糧
者議之上都中都河間濟南淄萊真定衛輝洛磁順
德大名河南南京彰德益都順天懷孟平陽歸德諸
州縣蝗癸卯宋將范文虎率蘇劉義夏松等舟師千
萬援襄陽阿朮率諸將迎擊奪其戰船百餘艘敵敗

走平章合谷又遣萬戶解汝楫等邀擊擒其總管朱日新鄭臯大破之辛亥敕凡管民官所領錢穀公事並俟年終考較乙卯招集河西幹端昂吉呵等處居民已未山東統軍司塔出董文炳偵知宋人欲據五河口請築城守之既而坐失事機宋兵已樹柵其地事聞敕決罰塔出文炳等有差遼州和順縣解州聞喜縣好坊生秋七月壬戌朔尚書省請增太原鹽課歲以鈔千錠為額仍令本路兼領從之設回回司天臺官屬以札馬刺丁為提點簽文直水達達軍以鄭元頴祠祭岳瀆授司煙大夫丁卯南人李忠進言軍

山侍郎張大悅嘗與宋交通以其事無實詔諭大悅宋善用間朕不輕信毋懷疑懼以國王頭輦哥行尚書省于北京遼東等路辛未置左右中二衛親軍都指揮使司乙亥鞏昌臨洮平涼府會蘭等州隕霜殺禾乙酉宋將來興國攻百丈山營阿朮擊破之追至滿灘斬首二千餘級高麗世子王懋入質珍島脅從民戶來降八月壬辰朔日有食之癸巳敕軍站戶地四頃以上依例輸租己亥詔招諭宋襄陽守臣呂文煥壬子車駕至自上都遷成都統軍司於眉州己未聖誕節初立內外仗及雲和署樂位東川統兵司引

兵攻宋銅鈔寨守寨總管李慶等降以慶知梁山軍
事九月壬戌朔敕都元帥阿朮以所部兵畧地漢南
癸亥高麗世子王禔辭歸賜國王王植西錦優詔諭
之甲子賜劉整鈔五百錠鄧州田五百頃整辭改賜
民田三百戶科調如故給河南行省歲用鈔二萬八
千六百錠丙寅罷陝西五路西蜀四川行尚書省以
也速答兒行四川尚書省事并與元京兆等路直隸
尚書省敗宋軍于渦河戊辰陞成都府德陽縣為德
州降魏州為魏略縣壬申選胄子脫脫木兒等十八
人

律業國學癸酉益都府濟州進士二本甲戌發西夏

回回軍太廟殿柱朽壞監察御史劾都水劉良直
不敬曷以憂卒張易請先期告廟然後完葺從之丙
子敕今歲享太廟毋用犧牛太陰犯畢庚辰右衛親
軍都指揮使忽都等言五河城堡已成唯廬舍未完
凡材產皆出宋境請率精兵分道抄掠從之壬午山
東路統制司言宋兵攻膠州于戶蔣德等逆戰敗之
俘統制亮廣等五十餘人獲戰船百艘奏未報和安
倉失稻米三二倉石特免徭徭所禁諸王差違需索詔
以四川民力可節免茶鹽等課稅以軍民田租給
邊軍食乃議一節自今有言茶鹽之利者以違制論

冬十月癸巳大司馬臣言... 州尹張廷瑞同知陳思濟... 三行急於勸課宜加黜陟... 大寧己未檀順等州風凍... 十一月辛酉朔敕品官子... 無治大理壬戌罷諸路交... 及王魯徒單公履等言元... 宣敕兵公服迎拜行禮從... 曰大元詔曰誕膺景命奄... 百王而紀統肇從隆古匪...

以之而著稱虞之為言樂也舜因之而作... 禹與而湯造五名夏大以殷中世降以還事殊非古... 雖乘時而有國不以利而制稱為秦為漢者從初... 起之地名曰隋曰唐者因即所封之爵二美皆徇百... 姓見聞之粗習要一時經制之權三美以三公不無... 少斂我太祖聖武皇帝握乾符而定向上以神武而... 膺帝圖四震天聲大恢土宇真圖之廣歷古所無項... 者者宿諸度奏章申請謂既成於大業宜早定於篇... 卷在古制以當然於朕心平何有可異國要曰大元... 蓋取易經乾元之美故宋治流形于燕品藝名資始

之功于一人底寧于萬民元切體仁之要事後因章
道賜夫人於歲稱美而各國匪為之恭美乎休惟永
尚不憂於投棄其與敷天共隆大業而戌置四川省
於成都上都為安閣成丁二月辛卯朔遇天下興起
國字寧宣徽院請以闡遺漏籍等戶定之帝曰姑止
毋重勞吾民也乙巳成百官俸括田夏田召塔出董
寔炳赴闕辛亥併太常寺入翰林院宮殿府入少府
監甲寅詔尚書省遷入中書省是歲天下戶一百九
十四萬六千二百七十賜先朝后妃及諸王金銀幣
幣如歲別賜囊家等率馬賈鈔萬一千一百六十七錠

斷死罪一百五人

九年春正月庚申朔高麗國王王植遣使賀禮賓卿
宣文烈來賀兼奉歲貢甲子併尚書省入中書省平
章尚書省事阿合馬同平章尚書省事張易並中書
平章政事參知尚書省事張惠為中書左丞參知尚
書省事李堯咨麥朮丁並參知中書政事罷給事中
中書舍人檢正等官仍設左右司省六部為四改稱
中書丙寅詔建不花及馬璘高麗具舟糧助征耽
羅河南省請益兵救諸路簽軍三萬丁丑獻皇子西
平王奧魯赤阿魯帖木兒朮哥及南平王不魯魯所部

與四川行省也遠帶兒部下并忙古帶等上族欲
速公弄等土番軍同征建都新要州初歲維
縣入順天庚辰改北京中興川河南四路行尚書
省為行中書省京兆復立行省仍命諸王只必帖木
兒設省斷事官給西平王與魯赤馬價弓矢賜南平
王秃魯銀及金銀符各五系已移鳳州也田於鹽
白二州敕文炳時巡掠南境母令宋人付立城堡
教軍民之民仍遣者民田有餘則分之軍軍田有餘亦分
之民仍遣臣聽其直其軍奴入民籍者遠正之敕
燕王遣使

總漢軍主
密院以也
受宣勅官
軍籍二月
同日本二十
太祖開創之
壬辰高麗國
號改中都為
海牙與漢軍
水潦免其租

改山東東路都元帥府統軍官命劉整
帶兒塔出並為行樞密院副使乙酉定
儀詔元帥府統軍司總管萬戶府闕實
漢寅朔奉使日本通良弼遣書以官張鐸
六人至京師求見辛卯詔札魯嘗忽赤乃
始所置位百司古其賜銀印上左右司
王王植遣其臣齊安侯王淑以不實改國
天都甲午命阿木與蒙古軍劉整阿里
戊戌以去歲東平及西京等川縣旱蝗
歲庚子復唐州秘陽縣建寧百省署於

大都戊申始

車駕幸上都

遣還安童言

懼臣等以為

宜但開諭來

也帝稱善甲

木漢軍都元

折首二千級

路饑詔免

祭先農如祭社之儀詔諸路

三月乙丑諭旨中書省日本

良馬請移金州戍兵勿使日

金州戍兵彼國所知若復移

便此戍乃為耽羅暫設爾等

及括民間四教經焚之蒙古

師劉整阿里海牙督本軍

工擒將領十六人增築重圍

嘗立差徭夏四月己丑詔於

平王與魯亦所部米甲寅賑大都路饑五月戊午

立和林轉運司以小云失別為使兼提舉交鈔使已

未給闕闕出海青銀符二辛酉罷簽回回軍癸亥教

授都軍於忙亞難之地開渠耕田丙寅簽徐邳二州

丁壯萬人戍邳州庚午減鐵冶戶罷西蕃充急千等

處金銀礦戶為民禁漢人聚眾與蒙古人鬪毆詔議

取耽羅及濟州辛巳教修築都城凡費悉從官給毋

取諸民并蠲伐木役夫稅賦甲申教諸路軍戶

除至元七年前從良人民籍者當差餘雖從良並令

勅本戶軍力乙酉太白犯畢距星宮城初建東西華

左右掖門詔安集峇里伯所部流民六月壬辰遣高麗國西京屬城詣達魯花赤及質子金蓋等歸國咸乞聖旨恩也田所入租仍遣南人百名給牛具以往是夜京師大雨壞墻屋壓死者衆癸巳敕以籍田所種京米二萬石賑之己亥山東路行樞密院塔出於四月十三日遣步騎趨瀋州攻破射龍溝五港口鹽場白頭河四處城堡殺宋兵三百餘人虜獲人牛萬計第功賞賚有差辛亥高麗國王王植請討就羅餘寇秋七月丁巳朔河南省臣言往歲從民害也宋以貧苦悉散還家今唐鄧蔡息徐邳之民廬仍守故屯願以緡銀準折輸糧而內地州縣轉粟餉軍者反厭苦之臣議今歲必邊州郡宜仍其舊輸糧內地州郡驗其戶數俾折鈔就必邊和糴庶幾彼此交便利曰可拘括解元東京等路諸漏筭戶禁私鬻田田曆賑水達達部饑戊寅賜諸王八八部銀鈔集都城僧請大藏經九會壬午和禮霍孫奏蒙古字設國子監而漢官子弟未有學者及官府文移如有畏惡字詔自今凡詔令並以蒙古字行仍遣百官子弟入學乙酉免徙大羅鎮唐民令倍輸租米給鷹坊

詔分闕大都京兆等處探馬赤奴戶名籍八月丙戌朔日有食之戊子立群牧所掌牧馬及尚方鞍勒三辰勢忙安倉及靖州預儲糧五萬石以備弘吉剌新從部臣及西人內附者厚給調兵增戍全羅州乙未禁諸人以己事輒呼至尊稱號者丁酉立斡脫所已亥諸王闊闊出請以分地寧海登萊三州自為一路與他王比歲賦惟入寧海無輸益都詔從之癸卯壬午崔松敗宋襄陽援兵斬其將張順賜松等將士有差乙巳車駕至自上都丁未改延州為延津縣與陽武同隸南京癸丑賑遼東等路饑九月甲子未襄陽以輪船出城順流入戰阿木阿刺海牙等擊火燭江如晝率舟師鱣戰五十餘里至攬門關三獲貴及將士二千餘人丙寅敕樞密院諸路正軍戶戶及同籍親戚奴僕丁年既長依諸王權要以避役者並還之軍惟匠藝精巧者以名聞癸酉同簽河南省事崔斌訟右丞阿里兵奏軍數二萬數杖而罷之甲戌罷水軍總管府東川元帥李吉等略地開州拔石羊寨擒宋將一人統軍使合剌等兵掠合州及渠江口獲戰船五十艘賞銀幣有差丙子發民夫三千人伐巨木遼東免其家徭賦戊寅太陰犯御女張

嘉靖九年補刊

卷之七

七

益都路饑冬十月丙戌朔封皇子忙哥刺為安西王
賜京兆為分地駐兵六盤山遣使持詔諭扮卜折都
國壬辰享于太廟癸巳趙壁為平章政事張易為樞
密副使乙未築渾河堤戊戌災惑犯填星己亥敕自
七月至十一月終聽捕獵餘月禁之癸卯立文州初
立會同等十一月乙卯朔詔以至元十年曆賜高麗
壬戌後比京民夫六千伐木乾山蠲其家徭賦諸王
只必帖木兒築新城成賜各求昌府丙寅蠲昔刺許
院所負官錢丁卯太陰犯畢城光州遣無籍軍掠宋
境己巳救發屯田軍二千募軍二千高麗置六千
益武衛軍二千征虜羅辛未召高陸儒者楊恭懿不
至癸酉以前拔樊城外郭功賞千戶劉深等金銀符
己卯併中書省左右司為一宋荆湖制置李庭芝為
書遣求寧僧賞金印牙符來授劉整廬龍軍節度使封
燕郡王僧至求寧事覺上聞敕張易姚樞雜問適整
至自軍中言宋患臣用兵襄陽欲以是殺臣臣實不
知敕令蓋為書復之賞整使還軍中誅求寧僧及其
黨友參知行省政事阿里海牙言襄陽受圍久未下
宜先攻樊城斷其聲援從之回回亦思馬因創作巨
石砲來獻用力省而所擊甚遠命送襄陽軍前用之

嘉靖九年補刊

元史卷一百一十五

十一

十二月乙酉朔詔諸路府州司縣遠會花赤管民長
官兼管諸軍與魯丁亥立肅州等處驛以東平府民
五萬餘戶復爲東平路辛丑諸王忽剌出拘括逃民
高麗界中高麗達魯花赤上其事詔高麗之民猶未
安集禁罷之遣宋議互市使者南歸戊午賜北平王
南木合軍馬一萬二千疋百九十一羊六萬一千五
百三十一及諸王塔察兒軍幣帛辛亥宋將魯萬壽
來攻成都僉省嚴忠範出戰失利退保子城同知王
世英等八人棄城遁詔以邊城失守罪在主將世英
等道與免其罪惟遣使縛忠範至京師癸丑陞拱衛
司爲拱衛直都指揮使司是歲天下戶一百九十五
五千八百八十賜先朝后妃及諸王金銀幣帛如
例斷死罪三十九人建大聖壽寺於安寺

翰林學士中書平章知制誥孫德裕國子監丞朱濂翰林院編修官王禘等奉勅修

世祖五

十年春正月乙卯朔高麗國王王禎遣其世子慍來朝戊午敕自今並以國字書宣命命忻都鄭溫洪茶丘征就羅宿州萬戶愛先不花請築堡牛頭山以扼兩淮糧運不允愛先不花因言前宋人城五河統軍司臣言富得罪今不築恐為宋人所先帝曰汝言雖是若坐視宋人戍之罪亦不免也安南使者還言陳

光祿受詔不拜中書移文責問光祿稱從本俗改回
面受薛所立京師醫藥院名廣惠司己未禁鷹坊擾
民及陰陽圖讖等言癸亥阿里海牙等大攻樊城括
之守將呂文煥懼而請降中書省驛聞遣前所俘唐
永堅持詔諭之丁卯立秘書監戊辰給皇子北平王
甲一千置軍器永盈二庫分典弓矢甲寅庚午發陝
西探馬赤軍己卯川蜀嘗言宋自萬壽攻成都也運
帶兇所部騎兵征建都未還擬於京兆等路發新軍
六千為援從之詔遣扎木阿押失寒崔杓持金

所部有功者合刺請於渠江之北山及嘉陵
西岸虎頭山立二戍以其圖來上仍乞益兵一萬詔
給京兆新簽軍五千益之二月丙戌以皇太子
受冊寶遣太常卿合丹告于太廟丙申雲南羅羽酋
長阿旭叛詔有司安集其民募能捕斬阿旭者賞之
遣斷事官麥有勻校川陝行省錢穀詔勘馬刺失里
乞帶脫因劉源使緬國諭遣子弟近臣來朝高麗國
王王禎以王師征耽羅乞下令禁倭掠聽自製兵仗
從之丁未宋京西安撫使知襄陽府呂文煥以城降
三月甲寅朔詔申諭大司農司遣使巡行勸課務要

農事有成乙丑敕樞密院以襄陽呂文煥率將吏赴
關熟券軍并城居之民仍居襄陽給其田牛生券軍
分隸各萬戶翼文煥等發襄陽擇蒙古漢人有才力
者護視以來丙寅帝御廣寒殿遣攝太尉中書右丞
相呂童授皇后弘吉刺氏王冊王寶遣攝太尉同知
樞密院事伯顏授皇太子真金王冊金寶辛未以皇
后皇太子受冊寶詔告天下劉整請教練水軍五六
萬及於興元金洋州汴梁等處造船二千艘從之壬
申分金齒國為兩路癸酉客星青白如粉絮起異
五車北復自文昌貫斗杓歷梗河至左攝提
二日以前中書左丞相耶律鐸一平章軍國重事
中書左丞張惠為中書右丞車駕幸上都西蜀嚴忠範以
罪罷遣察不花等撫治軍民罷中興等處行中書省
夏四月癸未朔阿里海牙以呂文煥入朝授文煥昭
勇大將軍侍衛親軍都指揮使襄漢大都督賜其將
校有差時將相大臣皆以聲罪兩伐為請驛召姚樞
許衡徒卑公履等問計公履對曰乘破竹之勢席卷
三吳此其時矣帝然之詔罷河南等路行中書省以
平章軍國重事史天澤平章政事阿木忒知政事阿
黑海牙行荆湖等路樞密院事領襄陽左丞相合丹

參知行中書省事劉整山東都元帥塔出誓文炳行
惟西等路樞密院事守正陽天澤等陞辭詔諭以襄
陽之南多有堡寨可乘機進取仍以鈔五千錠賜將
二及賑新附軍民甲申免隆興路權課三年丁酉敕
南儒為人掠責者官贖為民辛丑罷四川行省以鞏
昌二十四處便宜總帥汪良臣行西川樞密院東川
閩遠廣安順慶夔府利州等一統軍使合刺行東川
樞密院東川副統軍一命
壬子朔定內外官復
從大軍殺掠其願為
軍者聽戊辰詔天下
疎放限以八月丙自
亥詔免民代輸簽軍
朝官錢不能償者毋徵主守
陣亡軍及營繕工匠無丁產者
復隸大都庚辰賞襄陽有功萬
戶奧魯赤等銀鈔衣
服有差六月乙酉賑諸王塔察
兒部民饑丁亥以各
路弓矢甲匠並隸軍器監免大
都南京兩路賦役以
劉
整山力賑甘肅等處諸
難幸加
各統之癸巳救襄陽

軍者聽戊辰詔天下
疎放限以八月丙自
亥詔免民代輸簽軍
朝官錢不能償者毋徵主守
陣亡軍及營繕工匠無丁產者
復隸大都庚辰賞襄陽有功萬
戶奧魯赤等銀鈔衣
服有差六月乙酉賑諸王塔察
兒部民饑丁亥以各
路弓矢甲匠並隸軍器監免大
都南京兩路賦役以
劉
整山力賑甘肅等處諸
難幸加
各統之癸巳救襄陽

造戰船千艘甲午改資用庫為
等處巡討司戊申經畧所都等
詔以失里伯為統羅國招討使
直為都指揮司使日本趙良弼
日本君臣爵號州郡名數風俗
土宜來上閏月癸丑
東西兩川統軍司辛未以翰林
院纂修國史敦采錄
纂朝事實以備編集丙子以平
章政事賽典赤行省
雲南統谷刺章鴨赤赤科金
爾罕章諸蠻賜銀貳
萬五千兩鈔五百錠秋七月辛
巳以金州軍八百人

統軍司還成都忽朗吉軍千人隸東川壬午以修
太廟將遷神主別殿遣兀魯忽奴帶張文謙祭告丙
戌敕樞密院襄陽生券軍無妻子者發至京師仍益
兵衛送其老疾者遣還家庚寅河南水發粟賑民饑
仍免今年田租省西涼府入永昌路戊申高麗國王
王植遣其順安公王棕同知樞密院事宋宗禮賀皇
后皇太子受冊禮成八月庚戌朔前所釋諸路罪囚
自三大部者凡二十二人並赦之甲寅鳳翔寶鷄縣
劉鐵妻一產三男復其家三年丁丑聖誕節高麗王
王植遣其上將軍金說來賀己卯賜襄陽生熟券軍

冬衣有差九月辛巳遼東饑弛獵禁以合伯為平章
政事壬午立河南宣慰司供給荆湖淮西軍需甲申
襄陽生券軍至大都詔伯顏諭之釋其械繫免死罪
聽自立部伍俾征日本仍救樞密院具鎧仗人各賜
鈔娶妻於蒙古漢人內選可為率領者丙戌劉秉忠
姚樞王磐實默徒單公履等上言許衡疾歸若以太
子贊善王恂主國學庶幾衡之規模不致廢墜又請
增置生員並從之景忠等又奏置東宮宮師府詹事
以次官屬三十八人戊子遣官詣荆湖行省差次有
方將士禁京畿五百里內射獵己丑敕自今秋

先薦去廟壬辰中書省臣奏高麗王王祖厲言小
國地狹比歲荒歉其生券軍乞駐東京詔令營北京
界仍敷東京路運米二萬石以賑高麗丁酉立正陽
諸驛救河南宣慰司運米三十萬石給淮西合答軍
仍給淮西京湖軍需有差壬寅敕會同詔專屠降附
之入覲者以翰林學士承旨和禮霍孫兼會同館事
以主朝廷召訪及降臣奏請征東招討使塔匣刺請
征骨菟部不允丙午置御樂院車駕至自上都給諸
王塔察兒所部布萬疋冬十月乙卯享于太廟丙辰
以西川編民京川義士軍屯田餉潼川青居戍兵敕

伯顏和禮霍孫以史天澤姚樞所定新格參考行之
庚申御史臺臣言沒入贖罰爲鈔一千三百定詔有
貧乏不能存者以此賑之有司斷死罪五十人詔加
審覆其十三人因闖殿殺人免死充軍餘令再三審
覆以闖禁牧地縱火以合答帶爲御史大夫陞襄陽
府爲路罷廣寧府新僉軍初建正殿寢殿香閣周廡
兩真室西蜀都元帥也速答兒與皇子奧魯赤合兵
攻建都蠻擒酋長下濟等四人獲其民六百建都乃
降詔賞將士有差十一月癸未命布只兒修起居注
丁未大司農辰司言中書移文以畿內秋禾始刈

農民覆耕恐妨芻牧帝以農事有益詔勿禁十二月
己酉朔安童等言昔博赤伯都謂總管府權太重宜
立運司并諸軍與魯以分之臣以今之民官循例遷
徙保無邪謀別立官府於民未便帝然之壬子賜襄
樊被傷軍士鈔千錠甲寅宋夏貴攻正陽淮西行院
擊走之壬戌召阿木同呂文煥入覲大司農司請罷
西夏世官括諸色戶從之安南國王陳光昞遣使來
貢方物諸王薛閣禿以罪從軍累戰皆捷召赴闕已
已省陝州號畧朱陽二縣入靈寶賜萬戶解汝楫銀
萬五千兩諸王李兀兒出塞所部兵與皇子北平王

合軍討叛臣聶古伯平之賞立功將士有差賜諸王金銀幣帛如歲例是歲諸路螽蟴災五分霖雨害稼尤分賑米凡五十四萬五千五百九十石天下戶二百九十六萬二千七百九十五

十一年春正月己卯朔宮闕告成帝始御正殿受皇太子諸王百官朝賀高麗國王王植遣其少卿李義孫等來賀兼奉歲貢乙酉以金州招討使欽察率襄陽生熟券軍千人戍鴨池庚寅初立軍官以功陞散官格免諸路軍雜賦以忙古帶等新舊軍一萬二千

五百人戍遼都立建都寧遠都護府兼領互市監

辰置西蜀四川屯田經畧司丁酉長春宮設周天金
錄醮七晝夜敕荆湖行院以軍三萬永弩砲手五千隸淮西行院丙午彰德趙當道等以謀逆伏誅餘從者論罪有差立于闐鴉兒看兩城水驛十三沙州北陸驛二免于闐采玉工差役阿里海牙言荆襄自古用武之地漢水上流已為我有順流長驅宋必可平阿朮又言臣畧地江淮備見宋兵弱於往昔今不取之時不能再帝趣召史天澤同議天澤對曰此國大事可命重臣一人如安童伯顏都督諸軍則四海混同可計日而待矣臣老矣如副將者猶足為之帝曰

伯顏可以任吾此事矣阿木阿里海牙因言我師南
征必分為三舊軍不足非益兵十萬不可詔中書省
僉軍十萬人二月戊申朔賜阿木所部將士及茶罕
章阿吉老蒼等銀鈔有差甲寅太陰犯井宿庚申新德
副元帥楊堯元戰沒以其子襲職初立儀鸞局掌宮
門管鑰供帳燈燭壬申造戰船八百艘於汴梁以廉
希憲為中書右丞北京等處行中書省事車駕幸上
都三月己卯詔以勸課農桑諭高麗國王王植仍
安撫高麗軍民總管洪茶丘提點農事己丑呂文
道司千戶陳炎謀叛誅首惡二人其隨司軍併其

子皆令內徙庚寅敕鳳州經畧使忻都高麗軍民總
管洪茶丘等將屯口軍及女直軍并水軍合萬五千
人戰船大小合九百艘征日本移碣門兵戍合谷城
辛卯改荆湖淮西二行樞密院為二行中書省伯顏
史天澤並為左丞相阿木為平章政事阿里海牙為
右丞呂文煥為參知政事行中書省於荆湖合谷為
左丞相劉整為左丞塔出董文炳為參知政事行中
書省於淮西遣使代祀嶽瀆后土河南宣慰司言軍
興轉輸煩重宜減軍匠請權助財用從之癸巳獲
嘉縣尹常德課農諸縣亦乞里帶強取民

祖產桑園廬舍墳墓分爲探馬赤軍牧地歸還其民
萬戶阿里必嘗發李璫逆謀爲璫所殺以其子刺刺
吉襲職改金州招討司爲萬戶府遣要速木咱興
失招諭八魯國帝師八合思八歸土番國以其弟亦
鄰真襲位達大護國仁王守成夏四月辛亥分陝西
隴右諸州置提刑按察司治鞏昌癸丑初建東宮曰
寅諱西京訛言惑眾者括諸路馬五萬匹辛未詔
慰幹端鴉兒看合失合兒等城賜襄樊戰死之士
百四十九人之家每家銀百兩乙亥命也速帶

一人同徽吉思所部五州丁壯成益都五月

惟正以所部軍逃亡乞於民站戶選補從之敕北京
東京等路新簽軍恐不宜暑權駐上都乙未樞密院
臣言舊制蒙古軍每十人月食糧者惟按都二人今
遣怯薛丹合丹覈其數多籍二千六百七十人救杖
合丹斥無入宿衛謫往四川效死軍中餘定罪有差
丙申以皇女忽都魯揭璽迷失下嫁高麗世子王愷
辛丑敕隨路所僉新軍其戶絲銀均配於民者並除
之六月丙午朔劉整乞益甲仗及水弩手給之庚戌
賜達都合馬里戰士銀鈔有差癸丑敕合答選部下
蒙古軍五千人與漢軍分戍沿江堡隘爲使傳往來

之衛仍以古不來拔都翟文彬率兵萬人掠荆南鴉
山以綴宋之西兵丙辰免上都隆興兩路簽軍庚申
間罪於宋詔諭行中書省及蒙古漢軍萬戶千戶軍
士曰爰自太祖皇帝以來與宋使介交通憲宗之世
美以藩職奉命南伐彼賈似道復遣宋京詣我請罷
兵息民朕即位之後追憶是言命郝經等奉書往聘
蓋爲生計也而乃執之以致師出連年死傷相藉
係累相屬皆彼宋自禍其民也襄陽既降之後莫宋
恒禍或起令圖而乃執迷罔有悛心所以問罪之
不能已者今遣汝等水陸並進布告遐邇使咸
之無辜之民初無預焉將士毋得妄加殺掠有去逆
效順別立奇功者驗等第遷賞其或固拒不從及逆
敵者俘戮何疑甲子分遣忙古帶八都百家奴率武
衛軍南征丙寅以合刺合孫爲中書左丞崔斌參知
政事仍行河南道宣慰司事敕有司閱覈延安新軍
貧無力者免之戊辰監察御史言江淮未附將帥闕
人今首用阿里海牙子忽失海牙劉整子瑛素不知
兵且缺人望宜依弟男例罷去從之秋七月乙亥朔
敕山北遼東道提刑按察使元魯失不花同參知政
事廉希憲行省北京國王頭驪哥母署事有大事則

希憲等就議乙酉徙生券軍八十一人屯田和林癸
巳高麗國王王植薨遣使以遺表來上且言世子愷
孝謹可付後事勅同知上都留守司事張煥冊愷爲
高麗國王乙未伯顏等陞辭帝諭之曰古之善取江
南者唯曹彬一人汝能不殺是吾曹彬也興元鳳州
民獻麥一莖四穗至七穗穀一莖三穗八月甲辰朔
頒諸路立社稷壇壝儀式丁未史天澤言今大師方
興荆湖淮西各置行省勢位既不相下號令必不能
一後當敗事帝是其言復改准西行中書省爲行樞
密院癸丑行中書省言江漢未下之州請令王文煥
率其麾下臨城諭之令彼知我寬仁善遇降將亦策
之善者也從之甲寅弛河南軍器之禁辛未高麗王
愷遣其樞密使朴瑆來賀聖誕節詔太原新僉軍遠
戍兩川誠可憫恤諭樞密院遣使分括廩粟給其家
九月丙戌行中書省以大軍旆襄陽檄諭宋州鄆官
吏將校士民癸巳師次鹽山距鄆州二十里宋兵十
餘萬當郟夾漢水城萬勝堡兩岸戰艦千艘鐵鉅橫
江貫大艦數十過我舟師不得下惟黃家灣有溪經
鷓子山入唐港可達于江宋又爲埧築堡其處駐兵
守之繫舟數百與埧相依伯顏督諸軍攻拔之鑿埧

挽舟入溪出唐港整列而進軍駕至自上都冬十月
 己酉享于太廟庚申長河西千戶必刺冲剽掠甲仗
 集衆為亂火你赤移戍未還副元帥置澄率屬吏赴
 之帝曰澄不必獨往趣益兵三千付火你赤合力討
 之壬戌歲星犯壘壁障乙丑伯顏督諸將破沙洋堡
 王擒守將串樓王翌日次新城總制黃順繼城降伯
 顏遣順招都統邊居義不出總管李庭破其外堡諸
 軍蟻附而登拔之居義自焚死辛未賜北平王南太
 合馬三萬羊十萬十一月庚辰斷死罪三十九人壬
 午勅西川行樞密院也速帶兒取嘉定府癸未

戶部文忠言比聞益都彰德妖人繼發其據察司遣
 魯花赤及社長不能禁止宜令運坐詔行之乙酉軍
 次復州宋安撫使翟貴出降丁亥詔宋嘉定安撫魯
 萬壽及九守城前校納款來降與避罪及背主叛亡
 者悉從原免癸巳東川元帥楊文安與青居山蒙古
 萬戶怯烈乃也只里等會兵達州直趨雲安軍至馬
 湖江與宋兵遇入破之遂拔雲安羅拱高陽城堡賜
 文安等金銀有差以香河荒地千頃置中衛屯伯顏
 遣萬戶帖木兒譯史西里奏沙洋新城之捷且以新
 城總制黃順來見賜順黃金錦衣及細甲授湖此道

宣慰使佩虎符統京師之非者
日不忽敦忽察剌復身三沒
阿合馬檀財賦權盡國害民志
加選擇其營作宮殿黃綠為
之起閣南直大殿及東西殿增
坊司十二月丙午伯顏大軍次
夏貴都統高文明劉儀以戰船
王達守陽羅堡荆湖宣撫朱禩
師不得進用千戶馬福言自漢
口徑趨沙燕遂入大江癸丑以
二千入隸行工部甲寅賞忻都
帝有差乙卯阿里海牙督萬戶
張弘範等攻武磯堡
宋夏貴以兵來援阿木率萬戶
晏徹兒等四翼軍對
青山磯泊丙辰萬戶史格以一
軍先渡為宋荆鄂諸
軍都統程鵬飛所敗總管史格
刺渾等率眾赴敵鵬
飛敗走進軍沙磯抵觀音山夏
貴東走遂破武磯堡
斬宋都統三達哈進高州迨至
鄂州南門而還丁巳
伯顏登黃磯山宋兵據孫道歸
江陵己未師次鄂州
宋直秘閣湖北提舉張晏然權
知漢陽軍王儀知德
安府來與國並以城降程鵬飛
以奉軍降伯顏承制

以宗鄂州民兵總制王該知鄂州事王儀來與國仍
舊任撤其戍兵以隸諸軍下令禁侵暴九邊民悉縱
還之以阿里海不其四萬鎮鄂漢伯顏阿朮將大軍
水陸東下以待備親軍都指揮使禿滿帶為諸軍殿
以襄陽路總管居貞為宣撫使商議行中書省事
庚申淮西正陽人盧舍甲仗焚蕩無餘杖萬戶愛先
不花等有差癸亥賜六一真人李居素第一區仍賜
額曰太乙廣福萬壽行中書省以渡江律聞救縱
呂文煥隨司軍悉還家割南陽盧氏縣隸嵩州置歸
德府長武縣省入涇川良原縣省入靈臺是歲

大正戶一百九
蠱災九九所

粟四萬五百九

十二年春正月

李信孫來質及

李嗣長知黃州陳

都督真子歲知建

降乙亥徙襄陽新

張德潤長禮義城

百餘人繼遣元帥

米七萬五千四百

以聚之

高麗國王王德遠其判

丁戌大舉次黃州宋

降伯顏承制授奕

遣人以言論之言至

不河北東川副都元帥

張資招降軍民千五

地等總官郭英及都

唐惠等六人以歸臨
甲子天部下將士鈔
府之知鈔萬鈔為軍
州宋安撫使管景橫
帶見也亦帶見所統
付五州經畧司其怒
戍大軍次江州宋江
西路六安軍曹明以
如嘉定重慶江

金五十四兩及兩等金銀
一萬鈔或實鈔壹萬鈔
而以一萬鈔給之
降丁亥樞密院以特急
及再簽登萊丁卷八百人
字路亦悉經畧司兼度兩
安撫使知江州或真孫及淮
降丁亥樞密院臣言宋邊
州連海等處皆阻兵自守
南康下等處以城寨以特

唐古忙兀兒將漢軍
復將餘兵赴關已丑
仍敕襄陽統軍司謂
畏吾漢人十四人赴
寅遣左衛指揮副使
同札的失囊加帶戍
屬州郡城寨官軍
居貞實書行中書
舊制嘉戶設軍營

人赴蔡州禿滿帶賈仕古帶
這猶次唐永堅實詔招諭鄂州
三人衛送永堅等遷蒙古
中書省為新附州郡民官
唐古忙兀兒率衛軍萬人
寅遣左衛指揮副使置司并所
屬州郡城寨官軍
居貞實書行中書
舊制嘉戶設軍營

論之乙未遣兵
書監丞崇宗
願為軍者萬
刺殺公刺軍
雲南怒阿
慰司兼行元
廉能者任之
衛軍
諸

部
以金賞之命
以慶元未備者
行省節度
規措所以贈
都忙古帶借
行許之故

四二月癸卯大

文

元

元史卷之

元史卷之

公直等與脫烈將甲騎千人持詔招諭鄂州大軍次
丁家洲戰船蔽江而下宋賈似道分遣步帥孫虎臣
及督府節制軍馬蘇劉義集兵船于江之南北岸似
道與淮西制置使夏貴將後軍戰船二千五百餘艘
橫亘江中翌日伯顏命左右翼萬戶率騎兵夾岸而
進繼命舉巨砲擊之宋兵陣動夏貴先遁似道錯愕
失錯焉鉅斤諸軍散宋兵遂大潰阿朮與鎮撫何瑋
李庭等舟師及步騎追殺百五十里得船二千餘艘
及軍資器仗督府圖籍符印似道東走揚州阿朮不
克言夏貴縱兵軍岳全還擄欲內附宜降璽書招諭

遂遣其思明應之將說律論之甲子大軍次蕪湖縣
宋江東運判知太平州孟之縉以城降都元帥博魯
歡次海州知州丁順以城降乙丑阿里海牙言江陵
宋巨鎮地居大江上流屯精兵不啻數十萬若非乘
此破竹之勢取之江水泛溢鄂漢之城亦恐難守從
其請仍降璽書遣使諭江陵府制置司及高達已下
官吏軍民宋福州團結使知特摩道事農士貴率知
那寡州農天或知阿吉州農馬成知上林州農道賢
州縣三十有七戶十萬詣雲南行中書省請降丙寅
祖以輕進致賊乞罪之有旨或決罰降官或以鐵
自贖其從行省裁處禁民間賭博犯者流之北地戊
辰師次采石鎮知和州王善以城降都元帥博魯歡
次連州宋知州孫嗣武以城降己巳復遣伯木唐永
堅等宣諭鄂州官吏士庶庚午大軍次達康府宋沿
江制置使趙潛南走都統權兵馬司事徐王榮翁福
茅世雄等及鎮軍曹旺以城降宋賈似道至揚州始
遣魏管段佐送國信使郝經劉人傑等來歸教樞密
院迎經等由水路赴闕詔安南國王陳光弼仍以舊
制六事論之趣其來朝命佐薛丹察罕不花侍儀副

夜關思義真人李德和少祀益濱后土車駕幸上都
三月壬申朔宋鎮江府馬軍總管石祖忠以城降行
中書省分遣淮西行樞密院阿塔海駐京口宋誅殿
帥韓震其部將李大明等二百人携震母妻等諸子
文煊文炳自臨安來奔甲戌宋江陰軍僉判李世脩
以城降乙亥諭樞密院比遣達都都元帥火你赤征
長河西以副都元帥璽澄鎮守達都付以璽書安集
其民仍赦安西王忙兀刺諸王只必帖木兒駙馬長
吉分遣所部蒙古軍從西平王與魯赤征吐蕃命萬
九千唐永堅同前所遣阿失罕等將統兵八千八同往

論鄂州已降則鎮之不降則從陸路與阿黑海牙
忽不來會於荆南丙子國信使廉希賢等至達康傳
旨令諸將各守營壘毋得妄有侵掠宋知滁州王文
虎以城降戊寅賜皇子安西王幣帛八千匹絲萬斤
乙卯改平陰縣新鎮寨為肥城縣隸濟寧府庚辰宋
知寧國府顏紹卿以城降江京路得府二州五軍二
縣四十三戶八十三萬一千八百五十二口一百九
十一萬九千一百六甲申於中興路置懷遠靈武二
縣分處新民四千八百餘戶丙戌宋常州安撫戴之
泰通判王虎臣以城降國信使廉希賢嚴忠範等三

宋廣德軍獨松關為宋之所殺下交免諸路軍雜賦
辛卯宋將高世傑復據岳州曾知州孟之紹妻子又
取復州降將翟責妻子送之江陵世傑會郢復岳三
州及上流諸軍戰船數千艘兵數萬人扼荆江口壬
辰阿里海牙以軍屯于東岸世傑夜半遁去黎明至
洞庭湖口兵船成列而陣阿里海牙督諸翼萬戶及
水軍張榮實解汝楫等逐世傑于湖口之夾灘遣郎
中張鼎召世傑世傑降阿里海牙以世傑招岳州孟
之紹亦以城降以世傑力屈而降誅之賜北平王南
木合所部馬二千一百八十年三月癸巳拔都城沂

十字路戍兵從博魯歡征淮南丙申復有蕃官稅

雄州蕃官莊察男車甲等率四十三族戶五千一
百六十詣四川行樞密院來附戊戌遣山東路經畧
使王儼戍岳州庚子從王磐實默等請分置翰林院
專掌蒙古文字以翰林學士承旨撒的迷底里主之
其翰林兼國史院仍舊纂修國史典制詰備顧問以
翰林學士承旨兼修起居注和禮霍孫主之辛丑教
阿木分兵取揚州夏四月壬寅朔賞討長河西必剌
克有功者及陣亡者金銀鈔幣帛各有差乙巳改西
夏中興道按察司為肅右河西道丙午立建州新城

清河三驛阿里海牙駐軍以陵城南沙市攻其柵破
之知荆門軍劉懋降丁未阿里海牙遣郎中張鼎齎
詔入江陵宋荆湖制置朱禔孫湖北制置副使高達
京西湖北提刑青陽夢炎李湜始出降阿里海牙入
江陵分道遣使招諭未下州郡知峽州趙真知歸州
趙仔權澧州安撫毛浚常德府新城總制魯希文舊
城權知府事周公明等悉以城降辛亥遣使招諭宋
五郡鎮撫使呂文福使降甲寅諭中書省議立登聞
鼓如為人殺其父母兄弟夫婦冤無所訴聽其來
其或以細事唐突者論如法辛酉宋鄧州安撫

川安撫翟貴以城降宋度支尚書吳浚移書建康

王榮等述其丞相陳且中語請罷兵通好伯顏遣
中書議事官張羽淮西行院令史王章同宋來使馬
駁持徐王榮復書至平江府驛亭悉為宋所殺癸亥
阿木師駐瓜洲距揚州四十五里宋淮東制置司盡
焚城中廬舍遷其居民而去阿木創立禱壇具以
守之丙寅立尚牧監賜降臣丁順等衣服免京畿百
姓今年歲終銀丁卯以大司農孫史中丞李羅為御史
大夫罷隨路巡行勸農官以其事入提刑按察司括
諸寺闡遣人丁庚午以高達

卷之三

三

之遣兵部郎中王世英刑部中書郎都持詔召歸漢
四斗代天師張永演赴關五月辛未朔阿里海牙以
所得童男女千人牛萬頭來獻樞密院言峽州宜以
戰船扼其洋要又鄧復二州成兵不足今擬襄陽等
處選五千七百人隸行中書省聽阿里海牙調遣從
之詔中書右丞廉希憲參知政事脫博忽魯禿花行
中書省于江陵府阿里海牙還鄂州立襄陽至荆南
三驛丁丑阿木立木柵于揚子橋斷淮東糧道且爲
瓜州藩蔽庚辰詔諭參知政事高達曰昔我國家出
征伐不息夫爭國家者取其土地人民而已雖得其
地而無民其誰與居今欲保守新附城壁使百姓安
業力農蒙古人未之知也爾熟知其事宜加勉旃湖
南州郡皆汝舊部曲未歸附者何以招懷生民何以
安業聽汝爲之宋嘉定安撫咎萬壽遣部將李立奉
書請降言累負罪愆乞加赦免詔遣使招諭之辛巳
宋知辰州呂文興黃仙洞行隋州事傅安國仙人寨
行均州事徐鼎知沅州文用圭知靖州康玉知房州
李鑑等皆以城降荆南湖北路凡得府三州十一軍
四營五十七戶八十萬三千四百一十五口一百九

十四萬三千八百六十四人以三衛新附之券置之
八達山屯田丁亥召伯顏赴闕以蒙古萬三同刺罕
權行中書省事遣肅州達魯花赤阿沙發河西軍萬
戶愛先不花達伯顏節制擅撤戍兵詔遣奪符印使
從軍自效淮東宣撫陳敏乞解官終喪三年不許申
嚴屠牛馬之禁庚寅宋三郡鎮撫使呂文福來降壬
辰宋都統劉師勇殿帥張彥據常州癸巳諭高麗
國王王愷招珍島餘黨之在耽羅者六月庚子朔日
有食之宋嘉定安撫使督萬壽以城降賜名順癸卯
遣兩浙大府督范文虎持詔往諭安豐壽州招信五
河等處鎮戍官吏軍民遣刑部侍郎伯木論朱
以年老多病不任朝謁權留大都無自疑懼諭廉希
憲等元沒青陽夢炎李湜家貲如籍還之併徙其家
赴都甲辰以萬戶阿剌罕為行中書省參知政事
知開州張章赦其罪章二子柱楫先來降以其子
免死赦失里伯史樞率襄陽熟券軍二千獵戶丁壯
二千同范文虎招安豐軍各賜馬十匹其故嘗從丞
相史天澤者十九人願宣勞軍中令從樞以行戊申
發平陽西京延安等路達魯花赤弟男為軍辛亥賞
諸王兀魯所部獲功建都者三十五人銀鈔有差定

元魯衛士人各馬二疋從者一匹敕淮東元帥府發
兵及鄂州戍兵與李瓊舊部曲并前河南已簽軍萬
人後免爲民者復籍爲兵並付行中書省戊午詔遣
使招諭宋四川制置趙定應比者異再興青陽夢炎
赴闕面陳蜀閬事宜奏請緩師令自納款姑從所請
今遣再興宣布大信若能順時違變可保富貴毋爲
塗炭生靈自貽後悔庚申遣重慶府招討使畢再興
持詔招諭宋合州節使張珣江安潼川安撫張朝宗
德安觀察陽立泉山軍防禦馬壘辛酉宋潼川安撫
等扣船千艘送淮東都元帥府丙寅宋揚州都統張
才副將張林步騎二萬人乘夜攻揚子橋木柵守柵
萬戶史弼來告急阿朮自瓜洲以兵赴之詰旦至柵
下才軍夾水爲陣阿朮麾騎兵渡水擊之陣堅不動
阿朮軍引却才軍來逼我軍與力戰才軍遂走阿朮
麾步騎並進大敗之才僅以身免生擒張林斬首萬
餘年級戊辰敕塔出率阿塔海也速帶兒兩軍赴陣
乘以遜攤爲執羅國達魯花赤罷山東經畧司秋七
月庚午朔阿朮集行省諸翼萬戶兵船于瓜洲阿塔
海董文炳集行院諸翼萬戶兵船于西津渡宋沿江

制置使趙潛樞密都承旨張世傑知秦州孫虎臣等
陳舟師于焦山南北阿朮分遣萬戶張弘範等以拔
都兵船千艘西掠珠金沙辛未阿朮阿塔海登南岸
石公山指授諸軍水軍萬戶劉琛循江南岸東趨夾
灘繞出敵後董文炳直抵焦山南麓以擣其右招討
使劉國傑趨其左萬戶忽刺出擣其中張弘範自上
流繼至趨焦山之北大戰自辰至午呼聲震天地乘
風以火箭射其箭蓬宋師大敗世傑虎臣等皆遁
追至圖山獲黃鵠白鷓船數百艘宋人自是不敢
軍至呂城復為阿塔海行院兵所敗壬申簽軍南落

落蒲納烘等處軍萬人隸行中書省癸酉太白犯井
詔取茶罕章未附種落丁丑立衛州至揚村水驛五
己卯增置燕南河北道提刑按察司以蔡州驛蒙古
軍四百隸阿里海牙漢軍六百從萬戶宋都帶赴江
西壬午遣使招宋淮安撫使朱煥癸未詔遣使江
南搜訪儒醫僧道陰陽人等敕左丞相伯顏率諸將
直趨臨安右丞阿里海牙取湖南蒙古萬戶宋都帶
漢軍萬戶武秀張榮實李恒兵部尚書呂師夔行都
元帥府取江西罷淮西行樞密院以右丞阿塔海叅

政董文炳同署行中書省事辛卯太陰犯畢甲午遣使持詔詔諭宋李處芝及夏貴以伯顏為中書右丞相阿木為中書左丞相八月己亥免北京西京陝西等路合歲絲銀癸卯伯顏陞南行奉詔諭宋君臣相率來附則趙氏族屬可保無虞宗廟悉許如故授故差使大理王君候子如珪正八品官己未升任城縣為濟州辛酉車駕至上都丙寅高麗王王愷遣其樞密副使許珙將軍趙珪來賀聖誕節九月己巳太白犯少民庚午阿合馬等以軍興國用不足請復禁私造銅器乙亥賞濟河新城軍士及死傷者兩鈔百錠賜西平王所部鴨城戍兵入馬三匹丁丑以襄陽官牛五千八百賜貧民弛河南鬻馬之禁賜東西川屯戍蒙古軍糧鈔有差戊寅諭太常卿合丹去冬享太宮教牲無用牛今其復之己卯太白犯太微西垣上將壬午阿木築濟頭堡乙酉罷襄陽統軍司甲午宋揚州都統姜才將步騎萬五千入攻灣頭堡阿木阿塔海擊敗之賞淮安招討使乞里迷失及有功將士錦衣銀鈔有差丙申以王昔帖木兒為御史大夫括江南諸郡書版及臨安越書省乾坤寶典

等書冬十月戊戌朔享于太廟辛丑苑北京袁錦等
慶獵禁癸丑太陰犯畢十一月丁卯阿里海牙以軍
攻潭州乙亥伯顏分軍為三趨臨安阿剌罕率步騎
自建康四安廣德以出獨松嶺董文炳率兵師循海
趨許浦濼浦以至浙江伯顏阿塔海由中道節度諸
軍期並會于臨安丙子宋權融宜欽三州總管岑俊
毅沿邊巡檢使廣西節制軍馬李維屏等詣雲南行
中書省降丁丑阿合馬奏立諸路轉運司凡
已卯宋都帶等軍次隆興府宋江西轉運使知
繫以城降都元帥府檄諭江西諸郡相繼

軍四縣五十六戶一百五萬一千八百二十九
口二百七萬六千四百壬午伯顏大軍至常州督諸
軍登城四面並進拔其城劉師勇變服單騎南走改
順天府為保定府樞密院言兩都平濼獵戶新簽軍
二千皆貧無力者宜存恤其家又新附郡縣有既降
復叛及糾眾為盜犯罪至死者既已款伏乞聽權旨
處決皆從之中書省臣議斷死罪詔今後殺人者死
問罪狀已白不必待時宜即行刑其奴婢殺主者具
五刑論乙酉阿剌罕克廣德趨獨松關丙戌太陰犯
軒轅大星己丑遣太常卿哈丹以所獲塗金爵三獻

于太廟庚寅伯顏遣降人將介實奉璽書副本使于
宋仍以書諭宋大臣甲午以高麗國官制僭濫遣使
諭旨凡省院臺部官名爵號與朝廷相類者改正之
十二月戊戌填星犯亢己亥僉書四川行樞密院事
魯頰言紹慶府施州南平及諸蠻呂告馬蒙阿木等
有嚮化之心又播州安撫楊邦憲思州安撫田景賢
未知逆順乞降詔使之自新並許世紹封爵從之辛
丑董文炳軍次許浦宋都統制祁安以本軍降宋主
為書介國信副使嚴忠範姪煥請和甲辰伯顏次平
江府宋都統王邦傑以城降乙巳免江陵等處今歲
田租丁未改諸立樞密院改中書
相忽都帶兒與内外文武百寮及緇黃耆庶請上三
帝尊號曰憲天述道仁文義武大光孝皇帝皇后曰
貞懿順聖昭天睿文光應皇后不許太陰犯畢庚子
宋主復遣尚書夏士林右史陸秀夫奉書稱姪乞和
西川滄溪知縣趙龍遣間使入宋敕流遠方籍其家
癸亥敕樞密院靖州既降復叛今已平定其遣張通
判李信家屬并同叛者赴都甲子荅宋國主書令其
來降丙寅阿剌罕軍次安吉州宋安撫使趙與可以
城降并高麗東寧府為路割江東南康路隸江西省

置馬新整總管在自聖慶路隆化縣入秦川灤州海
山縣入昌黎縣復葦州歸縣是歲衛輝太原等路旱
河間霖雨傷稼凡賑米三千七百四十八石粟二萬
四千二百六石天下戶四百七十六萬四千七百七
斷死罪六十八人

本紀卷第九

元史九

翰林院直學士林文大承書院編修官王常等奏

勅

世祖六

十三年春正月丁卯朔克潭州宋安撫使李希蓋室
自焚死阿里海牙分遣官屬招徠未附者旬日間湖
南州郡相繼悉降得府一州六軍二縣四十戶五十
六萬二千一百一十二口百五十三萬七千七百四
十伯顏軍次嘉興府安撫劉漢傑以城降董文炳軍
至在滄宋統制官劉英以本軍降辛未董文炳軍至

海陵二知縣事王與賢及濼浦鎮統制胡全福建路馬

步田總管沈世隆皆降壬申改都統領司為通政院

以良合帶等領之立回易庫于諸路凡十有一掌

市幣帛諸物救大都路總管府和顛和買權豪與

民輸糶西宋相陳宜中遣軍器監劉庭瑞賫宋主

稱衣章詣軍前稟議又致宜中等書于伯顏伯顏

以言答之乙亥詔諭四川制置使趙定應來朝徙大

都路獵戶戍大洪山之東符寶郎董文忠請貧病

老勿徒從之宋復遣監察御史劉岳賫宋主稱藩表

至軍前且致書伯顏為宗社生靈請命丙子賞合兒

洪楨賫陳宜中吳堅等書請俟宗長福王至同詣軍

前戊寅伯顏以軍出嘉興府留萬戶忽都虎千戶王

禿林察戍之劉漢傑仍為其府安撫使辛巳命雲南

行省給建都屯軍弓矢軍次崇德縣宗遣侍郎劉庭

瑞都統洪楨來迂行都元帥府宋都帶言江西隆興

建口曰撫州等郡雖附而閩廣諸州尚阻兵乞增兵進

討以襄漢軍四千俾將之壬午軍次長安鎮董文炳

以丘來會宋陳宜中吳堅等違約不至癸未軍次臨平

鎮田由次高亭山阿剌罕以兵來會宋主遣其保康

軍之宣使尹甫和州防禦使吉甫等賞傳國玉璽及
降書詔軍前其辭曰大宋國主焘謹百拜奉表于大
元一明神武皇帝陛下臣昨嘗遣侍郎柳岳正言洪
雷震及捧表馳詣闕庭敬伸卑悃伏計已徹聖聽臣眇
焉如也遭家多難權奸似道背盟誤國臣不及知至
勤興六師問罪宗社陪危生靈可念臣與太皇日夕憂
懼非不欲遷辟以求兩全實以百萬生民之命寄臣
一身今天命有歸臣將焉往惟是世傳之鎮寶不致
愛惜謹奉太皇命戒痛自貶損削帝號以兩淞福建
江西兩湖南北二廣四川見在州郡謹悉奉上
為宗社生靈祈哀請命欲望聖慈垂哀祖母太后
及卧病數載臣兢兢在疚情有足矜不忍臣祖宗三
百年宗社遷至殞絕曲賜裁處特與存全大元皇帝
再生之德則趙氏子孫世世有賴不敢弭忘臣無任
感天望聖激切屏營之至伯顏既受降表玉璽復遣
囊加帶以趙尹甫賈餘慶等還臨安召宰相出議降
事乙酉師次臨安北十五里囊加帶洪模以總管殷
俊來報宋陳宜中張世傑蘇劉義劉師勇等挾益廣
二王出嘉會門渡淞江遁去惟太皇太后嗣君在宮
伯顏亟使諭阿剌罕董文炳范文虎率諸軍先據守

錢塘口以勁兵五千人追陳宜中等過淞江不及而
還丙戌伯顏下令禁軍士入城違者以軍法從事遣
呂文煥賈黃榜安諭臨安中外軍民俾按堵如故時
宗三司衛兵白晝殺人張世傑部曲尤橫閭里小民
乘時剽殺令下民大悅伯顏又遣宣撫程鵬飛計議
孫鼎亨囊加帶洪君祥入宮安諭太皇謝氏丁亥雲
南行省賽典赤以改定雲南諸路名號來上又言雲
南貿易與中州不同鈔法實所未諳莫若以交會
子公私通行廢爲民便並從之戊子中書省臣言王
孝忠等以罪命往八山採寶玉自効道經沙州值
火忽叛孝忠等自拔不歸令於瓜沙等處屯田從之
大名路達魯花赤小鈐部坐姦贓伏誅沒其家宋主
祖母謝氏遣其丞相吳堅文天祥樞密謝堂安撫賈
餘慶中貴鄧惟善來見伯顏於明因寺伯顏顧文天
祥舉動不常疑有異志遂令萬戶忙古帶宣撫峻都
羈留軍中且以其降表不稱臣仍書宋號遣程鵬飛
洪君祥偕來使賈餘慶復往易之己丑軍次湖州市
遣千戶囊加帶省掾王祐賈傳國玉靈赴闕救高麗
國以有官子弟爲質中書省臣言賦民舊籍已有
定額至元七年新括協濟合併戶爲數凡二十萬五

千一百八十敕減今歲絲賦之半庚寅伯顏遣大將
旗該率左右翼萬戶巡臨安城觀潮淞江於是宋宗
室大臣以次來見暮還湖州市辛卯張弘範孟祺程
鵬飛賞所易宋主稱臣降表至軍前甲午復薊州平
谷縣立隨路都轉運司仍詔諭諸處管民官以斃吉
剌帶丑漢所部軍五百戍哈答城不吉帶所部軍六
百移戍建都其兀兒禿唐忽軍前在建都者並遣還
翼穿濟州漕渠以真定總管昔班為中書右丞二月
丁酉詔劉頡程德輝招淮西制置使夏貴己亥克臨
江軍庚子宋主焜率文武百僚詣祥曦殿望闕上表
乞為藩輔遣丞相兼樞密院事家鉉翁端明殿學士同簽
端明殿學士簽樞密院事家鉉翁端明殿學士同簽
樞密院事劉昂奉表以聞宋主祖母太皇太后亦奉
表及牋是日宋文武百司出臨安府詣行中書省各
以其職來見行省承制以臨安為兩制大都督府都
督忙古帶范文虎入城視事辛丑伯顏令張惠阿剌
罕董文炳左右司官石天麟楊晦等入城取軍民錢
穀之數閱軍倉庫收百官誥命符印悉罷宋官府散
免侍衛禁軍宋主焜遣其右丞相賈餘慶等元祈請
使詣闕請命右丞相命吳堅文天祥同行行中書省

右丞相伯顏等以宋主羸舉國內附具表稱賀兩浙
路得府八州六軍一縣八十二戶二百九十八萬三
千六百七十二口五百六十九萬二千六百五十丁
未詔謝臨安新附府州司縣官吏士民軍卒人等曰
間者行中書省右丞相伯顏遣使來奏宋母后幼主
暨諸大臣百官已於正月十八日贊璽綬奉表降附
朕惟自古降王必有朝覲之禮已遣使特往迎致爾
等各守職業其勿妄生疑畏凡歸附前犯罪悉從原
免公私逋欠不得徵理應抗拒王師及逃亡曠職
並赦其罪百官有司諸王第三學寺監

禁衛諸司各宜安若所在山林河泊除巨木花果

外餘物權免徵稅祕書省圖書太常寺祭器樂器法
服樂工鹵簿儀衛宗正譜牒天文地理圖冊凡典故
文字并戶口版籍盡仰收拾前代聖賢之後高尚儒
醫僧道卜筮通曉天文曆數并山林隱逸名士仰所
在官司具以名聞名山大川寺觀廟宇并前代名人
遺迹不許拆毀鰥寡孤獨不能自存之人量加贍給
伯顏就這宋內府王盤入宮收宋國衮冕圭璧荷重
及宮中圖籍寶玩車輅輦乘鹵簿麾仗等物戊申立
淵東西宣慰司於臨安以戶部尚書麥歸祕書監焦

友直為宣慰使 吏部侍郎楊居寬同知宣慰司事並
兼知臨安府事 乙卯詔諭准東制置使李庭芝准西
制置使夏貴及所轄州軍縣鎮官吏軍民丁巳命焦
友直為宋祕書省禁書圖籍戊午祀先農東郊准西
制置使夏貴以准西諸郡來降唯鎮巢軍復叛貴遣使
招之守將洪福殺其使貴親至城下福始降阿木斯
之軍中准西路得府二州六軍四縣三十四戶五十
一萬三千八百二十七口一百二萬一千三百四十
九庚申召伯顏偕宋君臣入朝辛酉車駕幸上都設
資戒大會于西

州蒲壽庚壽晟兄弟甲子董文炳唆都發宋隨朝文
士劉衷然及三學諸生赴京師太學生徐應鑣父子
四人同赴井死帝既平宋召宋諸將問曰爾等何降
之易耶對曰宋有強臣賈似道擅國柄每優禮文士
而獨輕武官臣等久積不平心離體解所以望風而
送款也帝命董文忠答之曰借使似道實輕汝曹特
似道一人之過耳且汝主何負焉正如所言則似道
之誣汝也因宣三月丁卯命樞密副使張易兼知祕
書監事伯顏入臨安遣郎中孟祺籍宋太廟四祖殿
景靈宮禮樂器并寶璽郊天儀仗及祕書省國子監

國史館學士院太常寺圖書祭器樂器等物戊辰括
送南邑附州郡軍器甲冑向木遣使報廬州夏貴已
摩文夫持自鎮江遁去追之弗獲荆湖南路行中書
省言潭州既定湖南州郡降者相繼即分命諸將鎮
守其地從之宋福王與芮自制東至伯顏軍中以獨
松關守將張孺嘗殺奉使庶希賢斬之籍其家乙亥
伯顏等發臨安丁丑阿塔海阿刺罕董文炳誦宋主
宮趣宋主熈同太后入覲郎中孟祺奉詔宣讀至魯
藥頰牽羊之語太后全氏聞之泣謂宋主熈曰荷天
聖恩活汝當為爾拜謝宋主熈拜異子與皆背
日唯大皇太后謝氏以疾聞戊辰刺諸路儒戶
文學者三千八百九十並免其徭役其富實以儒戶
遺役者為民貧乏者五百戶隸太常寺敕准西廬州
置總管萬戶府以中書右丞河南等路官慰使合刺
合孫襄陽管軍萬戶邱浹並行府事庚辰襄加帶以
宋王璽來上乙酉顛吉表熈安四郡內附京賞賜郡
王瓜都銀印敕上都和顧和買並依大都例以中書
右丞昔班為戶部尚書閏月丙申置宣慰司於濟寧
路掌印造交鈔供給江南軍儲以前西夏中興簽行
中書省寧暗都刺即思大都路總管張守智並為宣

慰使東川行樞密院總帥汪惟正略地涪州克山寨
谿洞凡二十有三所丁酉召湖廣阿里海牙忽都帖
木兒赴關令脫撥忽魯禿花崔斌並留後鄂州辛亥
命副樞張易遣宋降臣吳堅夏貴等赴上都戊午准
西萬戶府招降方山等六寨甲子禁西番僧持軍器
以中書省左右司郎中郝禎叅知政事夏四月乙丑
朔阿木以宋高郵寶應嘗餽揚州遣蒙古軍將苦
微及史弼等守之別遣都元帥孛魯歡等攻秦州之
新城丁卯賜諸王都魯金印戊辰以河南兵事未息
開元路民饑並弛正月五月屠殺之禁庚午撤南
夏易京師者毋禁辛未江西都元帥宋都帶以應
詔儒生醫卜士鄭夢得等六人進教隸祕書監丙子
省東川行樞密院及成都經略司以其事入西川行
院復石人山寨居民千信陽軍免大都警戶至元十
二年絲銀已卯以待衛親軍征成歲以放令還家期
六月各歸其軍庚辰以水達達分地歲輸皮革自今
並入上都壬午召闕乙天師張宗演赴闕乙酉召昭
文館大學士姚樞翰林學士王磐翰林侍講學士徒
單公履赴上都庚寅以太廟以北京行中書省庶希
憲為中書省右丞相行中書省事于荆南府五月乙未朔

伯顏以宋主累至上制授鳳開府儀同三司檢校
大司徒封瀛國公以平宋遣官告天地祖宗於上都
之近郊遣使代祀歲禮已亥伯顏請罷兩浙宣慰司
以忙古帶范文虎仍行兩浙大都督府事從之庚子
定度量壬寅宋三學生四十六人至京師癸卯復沂
莒滕密寧海五州所括民為防城軍者為民免其租
徭二年乙巳賜伯顏部有功將校銀二萬四千六
百兩阿木遣總管陳德攻援泰州之新城遣萬戶烏
馬兒守之以偪泰州一未宋揚州都統姜才攻潭頭
童士元戰死戊申宋都統等自真州率兵二千戰
舡百艘襲瓜州阿木遣萬戶昔里罕阿塔赤等出戰
大敗之追至珠金沙得舡七十七艘馮都統等赴水
死改博州為東昌路己酉括獵戶鷹坊戶為兵乙卯
靖州張州判及李信等發焚其城退保飛山新城仁
中書省發兵攻殺之徙其黨及家屬于大都宋江西
制置黃萬石率其軍來附敕令入覲辛酉安西王相
府請頒詔招合州張珪不從癸亥陞翼樣局為總管
府秩三品六月甲子朔敕新附三衛兵之老弱者放
還其家己巳以孔子五十三世孫曲阜縣尹孔治為

權主祀事命東征元帥府選襄陽生券軍五百充侍

衛軍置行戶部于大名府堂印造交鈔通江南貿易

庚午敕西京僧道也聖可溫答失蠻等有室家者與

一體輸賦辛未命阿里海牙出征廣西請益兵還

萬俾將之壬申罷兩浙大都督府立行尚書省

臨安設諸路官二慰司以行省官為之並帶相

立行省者不立官一慰司甲戌以大明曆浸差命

太子贊善王恂與江南日官置局更造新曆以樞密

劉德張易董其事易恂奏今之曆家徒知曆術罕明

宜得者儒如許衡

世宗曰阿里都督陳巖以

蔡元踵陸所將皆阿木廛下

北遂大破之獲米五千餘石阿

路不通必由陸路運千戶也

數日米運果來殺負米卒數千

作平金平宋銀及諸國臣服傳

事如律錄聖德文成子推密

亦聚兵福建以養兵師江西都

以安慶斷黃等郡宿兵付宋都

以安慶斷黃等郡宿兵付宋都

晉書 卷一百一十五 魏天祐 義崇 柔家來
無知邵武 置事 義崇 遷授 建
壬辰 下詔 擢 崇 宗 揚州 制置
心 泰 真 餘 高 郵 大 小 官 負 又 詔
義 劉 師 勇 等 使 降 李 庭 芝 留
步 騎 五 千 東 走 阿 木 親 率 百
萬 戶 蜀 國 傑 分 道 追 及 秦 州
僅 得 入 遂 築 長 圍 壘 而 守 之
走 陝 以 戶 尚 書 張 澍 參 知
不 秋 七 月 乙 未 行 中 書 省 三

流 寓 邳 州 者 萬 餘 口 聽 還
陽 立 子 嗣 榮 請 降 詔 招 諭 其
保 寧 府 敕 山 丹 城 直 隸 省 部
之 壬 寅 以 李 庭 芝 出 征 賞 其 部
甲 以 有 差 乙 巳 朱 煥 以 揚 州
江 州 等 大 小 州 城 官 吏 使 降
揚 州 至 浮 鷄 泊 漕 渠 泗 遠 敗
州 守 將 孫 良 臣 與 李 庭 芝 帳 下
以 降 執 李 庭 芝 姜 才 繫 揚 州 獄

與等守秦州其通餘高郵等
付州十六縣三十三戶五十四
一百八萬三千二百一十七
后以中書右丞阿里海牙為
院事准東行樞密院別乞里迷
政事董文炳為中書左丞准東
大都督范文虎江東江西大
東淮西左副都元帥陳巖並
以清蒙村漕源款漢軍都元

州乙亥斬宋淮東制置使李處
州市庚辰罷襄陽統軍司車駕至自上都遣太常卿
臧忽思以銅爵一豆二獻于太廟以四萬戶總管與
魯赤參知政事九月壬辰朔命國師益憐真作佛事
于太廟己亥享于太廟常饌外益野豕鹿羊蒲萄酒
庚子命姚樞王磐選宋三學生之有實學者留京師
餘聽還家辛丑遣瀘州屯田軍四千轉漕重慶癸卯
以平宋赦天下乙巳高麗國王王棖上表議中護金
方慶功授虎符丙午敕常德府歲貢包茅丁未諭西
川行樞密院移徽重慶得內附命有司隳泐淮城壘

辛亥太白犯南斗甲寅太白入南斗乙卯以吐蕃合
卷城為寧遠府辛酉召宋宗臣鄂州教授趙與票赴
關設資戒會于京師阿木入覲江淮及湖東西湖南
北等路得府三十七州一百二十八關一監一縣七
百三十三戶九百三千七萬四百七十二口千九百
七十二萬一千一十五冬十月甲子以陳巖拔新城
丁村功賜金五十兩部將劉忠等賜銀有差乙亥賜
皇子比平王出征軍士貧乏者羊馬幣帛有差申明
以良為娼之禁丁亥兩浙宣撫使焦友直以臨安經

陰陽書來上戊子淮西安撫使夏貴請入

都元帥阿里為平章政事河南等路宣慰使合剌合
孫為中書右丞兵部尚書王儀更部尚書兼臨安府
安撫使楊鎮河南河北道提刑按察使迷里忽辛並
叅知政事叅知政事陳巖行中書省事于淮東十一
月癸巳安西王所部軍克萬州丙午賜阿木所部有
功將士二百三十九人各銀二百五十兩西州行院
悉敦言所部軍士父圖重慶逃亡者悉乞益軍一萬
并降詔招誘通民之在大良平者並從之壬子賜龍
春溫軍有功及死事者銀鈔有差癸丑併省內外諸

司丁卯太陰犯填星庚申敕管民及理財之官由中書
銓調軍官由樞密院定議隰襄漢荆湖諸城南平招
撫使兼知峽州事趙真請降詔招諭安州安撫張起
巖從之高麗國王王湛遣其臣判祕書寺朱悅來告
更名嗜十二月辛卯朔熒惑掩鈞鈐以十四年曆日
賜高麗丁卯改雲南羅甸甸為元江府路辛未賜塔
所部戰士及死事者銀鈔有差賜忽不來等戰功
十九人銀千二百兩壬申李思敬告遣使姜毅所言
停妄指毅妻子為證帝曰真子豈為證者耶詔勿問
賜鈔六千餘庚寅詔論湘東西江東西淮東西湖廣
北府州軍縣官吏軍民昔以萬戶千戶漁奪其民致
令逃散今悉以人民歸之元籍州縣凡管軍將校及
宋官吏有以勢力奪民田廬產業者俾各歸其主無
主則以給附近人民之無生產者其田租商稅茶鹽
酒醋金銀鐵冶竹貨湖泊課程從實辦之凡故宋繁
冗科差聖節上供經總制錢等百有餘件悉除免之
伯顏言張惠守宋府庫不俟命擅落管鑰詔阿木哥
其事仍諭江之東西湖之東西淮之東西官吏等檢
覈新舊錢穀除湖西湖東江西江東湖北五道宣慰

使陞江陵爲上路瑞安府仍爲温州隴州爲散府
州復置豐閭縣陞臨洮渭源堡爲縣賜諸王金銀幣
帛如歲例賜諸王乃壘帶羊馬價賞阿木等戰功
賜降臣吳堅夏貴等銀鈔幣帛各有差賜伯顏阿
木等青鼠銀鼠黃袖只孫衣餘功臣賜豹裘犴裘及
皮衣帽各有差是歲東平濟南泰安德州漣海清河
平濼西京西三州以水旱缺食賑軍民站戶米二十
二萬五千五百六十石粟四萬七千七百十二石鈔
四千二百八十二錠有奇平陽路旱濟寧路及高麗
十四年春正月癸巳行都元陽路旱濟寧路及高麗
劉興以城降丙申以江南平百姓疲於供軍免諸路
今歲所納絲銀賜嗣漢天師張宗演演道靈應冲和
真人領江南諸路道教戊戌高麗金方慶等爲亂命
高麗王治之仍命沂都洪茶丘劄兵禦備癸卯復立
諸道提刑按察司甲辰命阿木選銳軍萬人赴關丁
未知梅州錢萊之以城降戊申賜三衛軍士之貧乏
者八千三百五十二人各鈔二錠幣六匹己酉賜耶
律鑄鈔千錠甲寅敕宋福王趙與苗家貲之在杭越
者有司蓋至京師付其家丙辰立建都羅羅斯四路

守成烏木等慶並置官屬已未以白玉碧玉水晶爵
六獻于太廟括上都隆興北京西京四路獵戶二千
為兵置江淮等路都轉運蓋使司及江淮權茶都轉
運使司命嗣漢天師張宗演修周天醮于長春宮宗
演還江南以其弟子張留孫留京師二月辛酉命征
東都元帥洪茶立將兵二千赴上都壬戌瑞州安撫
姚文龍率張文顯來降其家屬為宋人所害賜文龍
文顯等鈔有差發差彗星出東北長四尺餘甲子遣
使代祀嶽瀆后壬寅改安西王傳銅印為銀印立
水昌路山丹成等驛乃給鈔千錠為銀印立
為傳之須諸王只必鐵木兒言來昌路驛百二十九
疲於供給質妻孥以應役詔賜鈔百八十錠贖還之
丁卯荆湖北道宣慰使塔海拔歸州山寨四十七所
戊辰祀先農東郊甲戌西川行院不花率衆數萬至
重慶營浮屠關造梯衝將攻之其夜都統趙安以城
降張珏艤船江中與其妻妾順流走涪州元帥張德
潤以舟師邀之珏遂降車駕幸上都辛巳命北京選
福生所統軍三百赴上都壬午德吉撫二州城隆興
濱西江姑存之仍選汀州軍馬守禦瑞金縣丙戌連
州守過元龍已降復叛塔海將兵討之元龍棄城遁

丁亥知南恩州陳堯道僉判林叔虎以城降詔以僧
元吉祥於真加加瓦並為江南總攝掌釋教除僧租
賦禁塚寺宇者以大司農御史大夫宣徽使兼領侍
儀司事李羅為樞密副使兼宣徽使領侍儀司事三
月庚寅朔以冬無雨雪春澤未繼遣使問便民之事
於翰林國史院耶律鑄姚樞王磐需具默等對曰足食
之道唯節浮費靡穀之多無踰醪醴麩藥况自周漢
以來嘗有明禁祈賽神社費亦不貲宜一切禁止從
之辛卯湖廣行中書省言廣西二十四郡並已內附
議後行中書省于澶州置廣南西路宣撫司於靜江
詔鄭鼎所將侍衛軍萬人還京師樞密阿剌海
駐靜江忽都鐵木兒鄭鼎同駐鄂漢買居貞脫博
魯朶花同駐潭州癸巳以行都水監兼行漕運司事
甲午以鄭鼎所部軍士撫定靜江之勞命還家少休
期六月赴上都乙未福建漳泉二郡蒲壽庚印德傳
李珣李公度皆以城降丁酉括為三萬二千二百六
匹孕駒者還其主壬寅廣東肇慶府新封等州皆奉
降癸卯壽昌府張之綱以從叛棄市乙巳命中外軍
民官所佩金銀符以色組繫于肩腋處無藝瀆具為
令庚戌建寧府通判郭續以城降黃州歸附官吏勝

入覲以所部將校于躍等三十一人戰功聞命官之
僉書東西川行樞密院事各順言比遣同知隆州事
趙孟煇賁詔招諭南平軍都掌蠻羅計蠻及鳳凰中
巖羅韋高崖等四砦皆降田楊二家豕獍夷民亦各
遣使納款壬子寶應軍人施福殺其守將降于淮東
都元帥府詔以福為千戶佩金符癸丑命汪惟正自
東川移鎮鞏昌行中書省承制以閩浙溫處台福泉
汀漳劍建寧邵武興化等郡降官各治其郡潭州行
省遣使上言廣南西路慶遠鬱林昭賀藤州等處
象峯廉容貴濕皆降得府一州十四鎮立

陽縣平章政事浙西道宣慰使阿塔海為平章政事
行中書省事於江淮郡王合荅為平章政事行中書
省事於北京夏四月甲子宋特磨道將軍農士貴知
安平州李惟屏知來安州岑從毅等以所屬州縣溪
洞百四十七戶二十五萬六千來附癸酉省各路轉
運司事入總管府設鹽轉運司四置權場於磧門黎
州與吐蕃貿易丙子乃安撫趙與可宣撫陳巖入覲
丙戌禁江南行用錢均州復立南漳縣五月癸巳
申嚴大都酒禁犯者籍其家貲散之貧民辛丑千戶
合刺合孫死於渾都海之戰命其子忽都帶兒襲職

癸卯改廣南西路置撫司為宣慰司廣西欽橫二州
改立安撫司各道從刑按察司兼勸農事敕江南歸
附官三品以上者遣府子一人入侍西番長阿立丁
審占等三十一族來附得戶四萬七百丙子融州安
撫使譚昌謀為不軌伏誅辛亥以河南山東水旱除
河泊課聽民自漁乙卯選蒙古漢軍相參宿衛詔論
思州安撫使田景賢又詔諭瀘州西南番蠻王阿永
筠連騰中萇處諸族蠻夷使其來附命真人李德和
代祀濟瀆六月丙寅涪州安撫陽立及其子嗣榮相
繼來附命立為藤路安撫使嗣榮為管軍總管並
虎符仍賜鈔百錠壬寅賞征廣賊死之家銀各五十
兩丁丑置尚膳院秩三品以提點尚食尚藥局忽林
失為尚膳使其屬司有七庚辰賞陽立所部戰士鈔
千錠甲申荆湖北道宣慰使黑的得謀者言夔府將
出兵攻荆南諭陽立萇與塔海會兵禦之丁亥陞崇
明沙為崇明州以行省參政行江東道宣慰使阿刺
罕為中書左丞行江東道宣慰使湖北道宣慰使奧
魯赤參知政事行湖北道宣慰使秋七月戊子朔罷大
名濟寧印鈔局壬寅赦犯盜者皆棄市符寶郎董文
忠言盜有強竊賊有多寡似難悉寘于法帝然其言

遷命止之。下酉敕自今非佩符使臣及軍情急遽不聽乘傳。戊申禁羊馬羣之在北者。八月內毋縱出北口。諸隘踐食京畿之禾犯者沒其畜。癸卯諸王昔里吉劫北平王于河力麻里之地。械繫右丞相安童。誘脅諸王以叛。使逼于海都。海都弗納。東道諸王亦弗從。遂率西道諸王至和林城北。詔右丞相伯顏帥軍往禦之。諸王忽魯帶率其屬來歸。與右丞相伯顏等軍合。丙午置行御史臺于揚州。以都元帥相威為御史大夫。置八道提刑按察司。戊申東川都元帥張德潤等攻涪州。大敗之。擒安撫程聰。使廣置

書省于江西以參知政事行江西宣慰使塔出

右丞參知政事行江西宣慰使麥朶丁為左丞。淮東宣慰使徹里帖木兒江東宣慰使張榮實江西宣慰使李恒招討使也的迷失萬戶昔里門荆湖路宣撫使程鵬飛闡廣大都督兵馬招討使蒲壽庚並參知政事。行江西省事。壬子樞大都商稅丁巳湖北宣慰司調兵攻司空山。復壽昌黃州二郡。賜平宋將帥軍士及簡州軍士廣西死事者銀鈔各有差。回水窩淵聖廣源王加封善信常山靈濟昭應王加封廣惠安立。電泉靈霈侯。追封靈霈公。以參知政事行江東道

宣慰使呂文煥為中書左丞八月戊午朔詔不花行
院西川丁卯成都路倉收羨餘五千石按察司已治
其罪命以真米就給西川兵辛未常德府總管魯希
文與李三俊結構為亂事覺命行省誅之車駕畋于
上都之北九月壬辰製鑄鐵海青圓符丙申廣南東
路廣連詔德慶惠潮南雄英德等郡皆內附甲辰福
建行省以宋二王在其疆境調都督忙兀帶招討高
興領兵討之昂吉兒忻都唐兀帶等引兵攻司空山
寨破之殺張德興執其三子以歸壬子福建路宣慰
使行征南都元帥唆都遣招討使百家奴丁廣取

己未享于太廟庚申湖北宣慰使塔海略地至夔府
之太原坪禽其將誅之辛酉馳蓋州獵禁乙亥以宋
張世傑文天祥猶未降命阿塔海選銳兵防遏隆興
諸城禁無籍軍隨大軍剽掠者勿過關渡己卯降臣
郭曉魏象祖入覲賜幣帛有差壬午置宣慰司于黃
州甲申播州安撫使楊邦憲言峯族自唐至宋世守
此土將五百年昨奉旨許令仍舊乞降璽書從之以
行省參政忽都帖木兒脫博忽魯亮花崔斌並為中
書左丞鄂州總督府達魯花赤張鼎湖北道宣慰使

賈居貞並參知政事十一月戊子樞密院臣言宋文
 天祥與其徒趙孟澹同起兵行中書發兵攻之殺孟
 澹天祥僅以身免詔以其妻孥赴京師右副都元帥
 張德潤上涪州功賜鈔千錠乙未凡偽造寶鈔同情
 者並處死分用者減死杖之具為冬庚子命中書省
 檄諭中外江南既平宋宜曰亡宋行在宜曰杭州以
 吏部尚書別都魯丁參知政事十二月丙辰置中灤
 唐村淇門驛丁卯以大都物價翔踴發官廩萬石賑
 糴貧民庚午梁山軍袁世安以其城及金石城軍民
 來降壬申潭州行省復祈陽縣首城在飛龍黨悉

平乙亥都元帥揚文安攻咸淳府克之以十五年曆

日賜高麗國以參議中書省事耿仁參知政事冠州

年縣水免今年田租導任河復民田三千餘頃

金銀幣帛等物如歲例賜諸王也不干燕帖

木兒等五百二十九人羊馬價鈔八千四百五十二

錠賞拜答兒等千三百五十五人戰功金百兩銀萬

五千一百兩鈔百三十錠及納失失金素幣帛貂鼠

豹裘衣帽有差是歲賑東平濟南等郡饑民米二萬

一千六百十七石粟二萬八千六百十三石鈔萬一

百十一錠斷罪三十二人

告宜待文煥等事決方聽其
官也先開闊帶等坐易官馬
路州縣管民官無領其事官
配婦人者沒其家禁官吏軍
女及為娼者賣買者兩罪之
湖州長興縣金沙泉名為瑞
時用此水造紫筍茶進貢有
事訖輒涸宋末屢加浚治泉
官致祭一夕水溢可溉田千
今名對湖州神崔府君為麻
聖廣佑王壬寅地女

水達達酒禁丙午安西王相
札刺不花等攻克瀘州斬其
申從阿合馬請自今御史臺
吏亦母究殺數及集議中
王趙與芮金紫光祿大夫檢
戍東川副都元帥張德閏大
及其子忠訓總轄文廣張
軍士及役擾致逃亡者沒其
大司農兼領將作院二月戊
耕藉田癸亥咸淳府等郡及
良平民戶饑以鈔千錠

元... 卷一

元史紀事本末卷之二十一
二
賑之命平章政事阿塔海阿里選擇江南廉能之官
去其冗員與不勝任者復立河中府萬泉縣辛未以
川蜀地多嵐瘴弛酒禁丁丑癸感犯天街庚辰征別
十八里軍士免其徭役壬午叅知政事福建路宣慰
使唆都率師攻潮州破之置太史院命太子贊善王
恂掌院事工部郎中郭中敬副之集賢大學士兼國
子祭酒許衡領焉改革亭縣為松江府遣使代祀嶽
瀆以叅知政事夏貴范六庸陳巖並為中書左丞黃
州路宣慰使唐兀帶史弼並叅知政事三月乙酉詔

諸郡以沁海經畧副使以合刺帶領兵師南征
使兼左副都元帥佩帟符丁亥太陰犯太白戊子太陰
犯熒惑己丑行中書省請考覈行御史臺文卷不從甲
午西川行樞密院招降西蜀重慶等處得府三州六
軍一監一縣二千寨四十蠻夷一乙未宋廣王昺遣
倪堅以表來上令俟命大都命揚州行省選鐵木兒
不花所部兵助隆興進討丁酉命塔海襲夔府城壁
戊戌劉宗純據德慶府梧州萬戶朱國寶攻之焚其
寨柵遂拔德慶詔中書左丞呂文煥遣官招宋主執
券軍堪為軍者月給錢糧不堪者給牛屯田庚子漢

擊都元帥李庭自願將兵擊張世傑從之西川行樞
密院右宣勝土恢等城及石榴寨相繼來降壬寅以
諸路歲比不登免今年田租絲銀癸卯都元帥以楊文
安這六攻克紹慶執其郡守鮮龍命斬之乙巳在順南
西道宣慰司遣管軍總管崔永千戶劉潭三德用招
降雷代高三州即以永等鎮守之不張世傑蘇劉義
拔廣三島奔碇洲叅知政事密立忍辛張守智並行
大司農司事夏四月乙卯命元帥劉國傑將萬人北
征賜將士鈔二萬六百七十一錠修合川縣盤古二祠
祀之丙辰詔以雲南境土曠遠未墾者多募軍民入

進討戊午以江南土寇竊發人心未安命行中書省
左丞夏貴等分道撫治軍民檢覈錢穀察郡縣被旱災
甚者吏廉能者舉以聞其貪殘不勝任者劾罷之甲
子命不花留鎮西川汪惟正率獲功蒙古漢軍官及
降臣入覲大都巡軍之戍西川者遣還立雲南湖南
二轉運司以時雨露足稍弛酒禁民之衰疾斂者
官為蠲贖量給之辛未置光祿寺以同知宣徽二院事
禿剌鐵木兒為光祿卿廣州張鎮孫叛紀廣州守將
張雄飛棄城走出兵臨之鎮孫乞降命遣鎮孫及其
妻赴京師丁丑雲南行省招降臨安白衣和泥分地

城寨一百九所威楚金齒落落分地城寨軍民三萬
二千二百禿老蠻高州鈞連州等城寨十九所庚辰
以許衡言遣使至杭州等處取在官書籍版刻至京
節壬午立行中書省于建康府中書左丞崔斌言比
以江南宮元委任非人命阿里等沙汰之而阿合馬
溺於私愛一門子弟並為要官詔並黜之又言阿老
瓦丁臺臣劾其侵欺官錢事猶未竟今復授以淮參
政不可詔止其行敕自今罷免之官宰執為官慰宣
慰為路官路官為州官淮制監課直隸行省官慰司
官勿預改北京行省為宣慰司自江南工部官
五月癸未朔詔諭翰林學士和禮孫今後進用宰
執及主兵重臣其與儒臣老者同議乙酉行中書言
近討邵武建昌吉撫等巖洞山寨獲聶大老戴翼子
餘黨皆下獨張世傑據碭洲攻傍郡未易平擬遣宣
慰使史格進討詔以也速海牙總制之敕主兵官若
已擢授其舊職宣別授有功者勿復以子孫承襲申
嚴無籍軍虜掠及傭奴代軍之禁甲午諸職官犯罪
受宣者聞奏受敕者從行臺處之受省札者按察司
治之其宣慰司官吏姦邪非違及文移案牘從本道
提刑按察司磨副應有死罪有司勘問明白提刑按

察司審覆無冤依例結案類奏待命自行中言以下
應行公務小事限七日中事十五日大事三十日選
江南銳軍為侍衛親軍乙未以烏蒙路隸雲南行省
仍詔諭烏蒙路總管阿牟置立站驛修治道路其一
應事務並聽行省平章賽典赤節制立川蜀水驛自
叙州達荆南府己亥江東道按察使阿八赤采江東
宣慰使呂文煥金銀器皿及宅舍子女不獲誣其私
兵仗詔行臺大夫相威詰之事白免阿八赤官亭
制授張留孫江南諸路道教都提點賜拱衛司官
其所部四百五十人鈔二千六十錠六月乙

李唐城為李唐州庚申敕博兒赤卷刺亦及司糧
司幣等官並勿授符已授者收之壬戌賜瀘州降臣
薛旺等鈔有差丙寅以江南防拓關隘一十三所設
官太冗選軍民官廉能者各一人分領陞濟南為
濟南路降西涼府為西涼州丁卯置甘州和羅提舉
司以備給軍餉賑貧民甲戌詔汰江南冗官江南元
設淮東湖南隆興福建四省以隆興併入福建其宣
慰司十一道除額設員數外餘並罷去仍削云各官
舊帶相銜罷茶運司及營田司以其事隸本道宣慰
司罷漕運司以其事隸行中書省各路總管府依驗

元史本紀卷之二十一
戶數多寡以上中下三等設官宋故官應入仕者付吏部錄用以史塔刺渾唐兀帶驟陞執政忙古帶任無為軍達魯花赤復遙領黃州宣慰使並罷之時准西宣慰使昂吉兒入覲言江南官吏太冗故有是命帝諭昂吉兒曰宰相明天道察地理盡人事能兼此三者乃為稱職爾縱有功宰相非可觀者回回人中阿合馬才任宰相阿重年少亦精敏南人如呂文煥汪文虎率衆來歸或可以相位處之又顧謂左右曰汝可諭姚樞等江南官吏太冗此卿輩所知而當言昂吉兒乃為朕言之近侍劉鐵木兒曰言阿重

海牙屬吏張鼎今亦叅知政事詔罷去遂命平章政事哈伯等諭中書省樞密院御史臺翰林院及諸南儒今為宰相宣慰及各路達魯花赤佩帶符者俱多謬濫其議所以減汰之者凡小大政事順民之心所欲者行之所不欲者罷之乙亥罷右院臺諸司應聞奏事必由起居注丁丑太廟殿柱朽腐命太常少卿伯麻思言于太室乃易之戊寅全州西延溪洞徭蠻二十所內附己卯發蒙吉軍千人發江東宣慰使張弘範白海道討宋餘衆各知政事蒙古帶請頒詔招宋廣王島及張世傑等不從庚辰夏四月張三八章

歲季文龍等為亂行省遣宣慰使只里率兵討之
辛三達實都收括中興寺與蘭遣安南國王陳光昞
遣使奉表貢秋七月壬午朔湖廣制置張烈良提
刑劉應龍與周隆賀十二起兵行省調兵往討獲周
隆賀十二斬之烈良等舉家及餘兵奔思州烏羅洞
為官軍所襲二人皆戰死甲申賜親王愛牙赤所部
建都茂軍貧乏者鈔千二百七十七錠行御史臺增
設監察御史四員江南湖北道嶺南廣西道福建廣
東道並增設提刑按察司乙酉改江南諸路總管府
為散府者七為州者一散府為州者二丙戌以江南

至揚州行省張守智至潭州行省丁亥詔虎符舊用
畏吾字今易以國字癸巳以塔海統雙軍旅之還成
者及揚州江西舟師悉付水軍萬戶張榮實將之守
禦江口丙申以右丞塔出呂師夔叅知政事賈居貞
行中書省事于贛州福建江西廣東皆隸焉丁酉賜
江西軍與張世傑力戰者三十人各銀五十兩以江
西叅知政事李恒為都元帥和蒙古漢軍征廣命揚
州行中書省分軍三千付李恒復上都守成軍二千
人為民壬寅改鑄高麗王王權駙馬印丙午改開元

宣撫司為宣慰司太倉為御廩寶成庫為尚用監皮
貨局入總管府定江南俸祿職田或申漢州蝗已酉
禁使人經行納憐驛辛亥改京兆府為安西府詔江
南制西等處毋非理征科擾民建康祖天師正一祠
於京城以叅知政事李恒為蒙古漢軍都元帥忙古
帶為福建路宣慰使張榮實張鼎並為湖北道宣慰
使也的迷失為拓討使八月壬子朔追毀宋故官所受
告身以嘉定重慶夔府既平還符籙親軍歸本司遣
禮部尚書柴椿等使安南國詔勅首之仍俾其來朝
丁巳公海經畧司行左副都元帥劉深言福州安撫
使王積翁既已降附復通謀於張世傑積翁上言兵
力單弱若不暫從恐為闔郡生靈之患詔原其罪壬
戌有首高興匿宋金者詔置勿問兩淮運糧五萬石
賑泉州軍民乙丑濟南總管張宏以代輸民賦嘗貸
阿里阿荅赤等銀五百五十錠不能償詔依例停徵
辛未復給漳州安撫使沈世隆家貲世隆前守建寧
府有郭贊者受張世傑檄誘世隆世隆執贊斬之蒙
古帶以世隆擅殺籍其家帝曰世隆何罪其還之仍
授本路管民總管中書省臣言近有旨追諸路管民
官所授金虎符其江南降臣宜仍所授從之制封泉

州神女號護國明著靈惠協正善慶顯濟天妃甲戌
安西王相府言川蜀悉平城邑山寨洞穴凡八十三
其渠州禮義城等處凡三十三所宜以兵鎮守餘悉
撤毀從之己卯初立提刑按察司于畏吾兒分地庚
辰以四川平勞賞軍士鈔二萬一千三百三十九錠
辛巳陞洛磁為廣平府路監察御史韓昺劾同知大
都路總管府事舍里甫丁毆部民至死詔杖之免其
官仍籍沒家貲十之二詔行中書省唆都蒲壽庚等
曰諸蕃國列居東南島嶼者皆有慕義之心可因蕃
諸人宣布朕意誠能來朝朕將寵禮之其往來互
各從所欲詔諭軍前及行省以下官吏撫治百姓務
農樂業軍民官毋得占據民產抑良為奴以中書左
丞董文炳僉書樞密院事叅知政事唆都蒲壽庚並
為中書左丞九月壬午朔敕以總管張子良所簽軍
二千二百人為侍衛軍俾張亨陳瑾領之癸未省東西
川行樞密院其成都潼川重慶利州四處皆設宣慰司
詔分揀諸路所括軍驗事力乏絕者為民其恃權豪
避役者復為兵所遣分揀官及本府州縣官能核正
無枉者陞爵一級又減至元九年所括三萬軍半以
為民其商戶餘丁軍並除之戊子以征東元帥府治

第...九年刊

元史本紀卷...

...

東京庚寅昭信達魯花赤李海刺孫言願同張弘畧
取宋二王調漢軍水軍裨將之以中書左丞行江東
道宣慰呂文煥為中書右丞冬十月己未享于太廟
常設牢醴外益以羊鹿豕蒲萄酒庚申車駕至自上
都辛酉賑別十八里日忽思等饑民鈔二千五百錠
分夔府漢軍二千新軍一千付塔海將之賜合答乞
帶軍士馬價幣帛二千匹其軍士力戰者賞賚有差
乙丑正一祠成詔張留孫居之丁卯弛山場樵採之
禁已已趣行省造海船付烏馬兒張弘範增兵四千
裨將之庚午敕御史臺凡軍官私役軍士者視數多

寡定其罪詔河西西京南京西川北京等處宣慰司
案牘宜依江南近例令按察司磨照移河南河北道
提刑按察司治南京御史臺臣言失里伯之弟何刺
與王權府等俘掠良民失里伯縱弗問及遣御史尋
詰問不伏詔執而鞠之十一月庚辰朔秦陽萬戶府
言李均收撫大洪山寨為宋朱統制所害命賜銀千
兩贖其家丁亥以辰沅靖鎮遠等郡與蠻獠接壤民
不安業命塔海程鵬飛並為荆湖北道宣慰使置司
常德路餘官屬留荆南府供給糧食軍需壬辰江東
道宣慰使囊加帶言江南旣平兵民宜各置官屬蒙

古軍宜分屯大河南北以餘丁編立部伍絕其虜掠
之意分揀官僚本以革阿合馬濫設之弊其將校立
功者例行沙汰何以勸後新附軍士宜令行省賜其
衣糧無使闕乏帝嘉納之徵宋相馬廷鸞章鑑赴闕
甲午開酒禁復阿合馬子忽辛阿散先等官始忽辛
等以崔斌論列而免至是以張惠請故復之惠又請
復其子麻遠忽及其姪別都魯丁苦思丁前職帝疑
惠不從敕已除官僚不之任者除名為農丁首召陳
裝入覲己亥貸侍衛軍屯田者鈔二千錠市牛具
集監夫聯絡建寧府

自揚州移治杭州立漕東宣慰司于揚州以阿剌罕
為宣慰使詔諭沿海官司通日本國人市舶以叅知
政事程鵬飛行荆湖北道宣慰使閏月庚戌朔羅氏
鬼國主阿權西南蕃主常昌盛並內附詔阿權常昌
盛各為其地安撫使佩庸符辛亥太白熒惑填星聚
于房甲寅幸光祿寺丙辰詔禿魯赤同潭州行省官
一真察戍還病軍所過州縣不加顧恤者按之甲子
發蒙古漢軍都元帥張弘範攻漳州得山寨百五十
戶百萬一是日謀報文天祥見屯潮陽港亟遣先鋒

張弘正總管慶加帶率輕騎五百人追及于五坡嶺
蓋中大敗之斬首七十餘執文天祥及其將校四人
赴都十二月己卯簽書西川行樞密院皆順招誘都
掌蠻夷及其屬百一十人內附以其長阿永為西南
番蠻安撫使得蘭紐為都掌蠻安撫使賜虎符餘授
宣勅金銀符有差庚辰恩州安撫使田景賢播州安
撫使楊邦憲請歸宋舊借鎮遠黃平二城仍徹戍卒
不允景賢等請降詔禁戍卒毋擾思播之民從之
施等處招討使欽察所領南征新軍不能自贖
人命屯田于京兆乙酉伯顏以渡江收撫少

陽羅堡閩浙等郡獲功軍士及降臣姓名來上詔授
虎符者入覲千戶以下並從行省授官丙戌揚州行
省上將校軍功九百三十四人授官有差丙申從播
州安撫楊邦憲請以鼎山仍隸播州庚子敕長春官
修金錄大醮七晝夜丙午禁玉泉山樵採漁弋戊申
以叙州守處禿老蠻殺使臣撒里蠻命發兵討之封
伯夷為昭義清惠公叔齊為崇讓仁惠公以十六年
曆日賜高麗海州贛榆縣電傷稼免今年田租南寧
吉端萬安三郡內附開城路置屯田總管府廣安縣
隸之臨淄臨朐清河復為縣導肥河入于鄆淤陂盡

為良田會諸王于大都以平宋所傳寶玉器幣分賜之賜諸王等金銀幣帛如歲例是歲西京奉聖州及彰德等處水旱民饑賑米八萬八百九十石粟三萬六千四十石鈔二萬四千八百八十錠有奇斷死罪五十二人

十六年春正月己酉朔高麗國王王慎遣其簽議中贊金方慶來賀兼奉歲幣壬子罷五翼探馬赤重役軍癸丑汪良臣言西川軍官父死子繼勤勞四十年乞顯加爵秩詔從其請詔以海南瓊崖儋萬諸郡復

平令阿 里海牙入觀瀘州降臣趙金吳大才袁

等徵征 重慶其家屬為叛者所殺詔賜鈔有差仍

叛者妻 平付金等救高麗國置大灰艾州東京柳石

李落四 驛甲寅無籍軍侵掠平民而諸王只必帖木

兒所部 為暴尤甚命捕為首者寘之法救移贛州行

省還隆 興高麗國來獻方物辛酉合州安撫使王立

以城降 先是立遣間使降安西王相李德輝東川行

院與德 輝爭功德輝單舸至城下呼立出降川蜀以

平東川 行院遂言立以抗王師嘗指斥憲宗宜殺之

樞密院 以其事聞而降臣李諒亦訟立前殺其妻子

有其財 物遂詔殺立籍其家賞償諒既而安西王具

立降附
本末未上且言東川院臣憤李德輝受降之
故誣奏
謀立樞密院臣亦以前奏為非帝怒曰卿視
人命若
戲耶前遣使計殺立又矣今追悔何及卿等
妄殺人
其歸待罪斥出之會安西王使再至言未殺
立即召
立入觀命為潼川路安撫使知合州事壬戌
分川蜀
為四道以成都等路為四川西道廣元等路
為四川
北道重慶等路為四川南道順慶等路為四
川東道
並立宣慰司賞重慶等處從征蒙古漢軍鈔
三萬九
千九百五十一錠改播州鼎山縣為播川縣
丁卯賜
秦知政事督順田民百八十戶於江津縣戊

立河西屯田給畊具遣官領之甲戌張弘範討兵
追宋二王至崖山寨張世傑來拒戰敗之世傑遁去
廣王昺偕其官屬俱赴海死獲其金寶以獻丙子詔
諭又巴散毛等四洞番蠻酋長使降以中書左丞別
乞里迷失同知樞密院事禁中書省文冊奏檢用畏
吾字書賜異樣等物官吏工匠銀二千兩賜皇子奧
魯赤及諸王拜答罕下軍士與惠州曰師賢所部軍
衣服及鈔有差二
戊寅朔祭先農千籍曰壬午隆
溧州為路遣使訪
不備皇極數番陽祝泌子孫其甥
傳立持必書來上
撥民萬戶隸明里淘金以江南漕

運舊米賑軍民之饑者癸未增置五衛指揮司詔遣
塔黑麻合兒撒兒答帶括中興戶太史令王恂等言
建司天臺于六都儀象圭表皆銅爲之宜增銅表高
至四十尺則景長而真又請上都洛陽等五處分置
儀表各選監候官從之甲申平章阿里伯乞行中書
省檢覈行御史臺文案且請行臺呈行省比御史臺
呈中書省例從之以征日本敕揚州湖南贛州泉州
四省造戰船六百艘發紹興宣慰司于慶州己丑調
潭州行省軍五千艘沿海州郡庚寅張弘範以降臣
陳懿兄弟破賊有 皇出戰船百艘從征宋二王請

授懿招討使兼潮州路軍民總管及其弟忠義勇三
人爲管軍總管十夫長塔刺海獲文天祥有功請授
管軍千戶佩金符並從之壬辰詔諭宗師張留孫悉
主淮東淮西別襄等處遣散乙未王遠帖木兒言行
臺文卷令行省檢覈於事不便詔改之其運司文卷
竊御史臺檢覈饒州路達魯花赤玉吉倫擅用羨餘
糧四千四百石杖之乃及其家謫湖南行省於戊申
還塗每四五十里立安樂堂疾者醫之饑者廩之死
者藁葬之官給其需遣官覈實益都潘美濟南逃亡
民逃之爲行營牧地者其諸與魯及漢人騎弓矢其

出紅所持兵仗還即論之官庫三寶賜太史院錄
千七十八兩發都發嘉定新附軍千人屯四脫里
之地甲辰陞大都兵馬都指揮使司秩四品詔大都
河間山東管鹽運司並無管酒贖商稅等課程中書
省臣請以真定路達魯花赤蒙古帶為保定路達魯
花赤帝曰此正人也朕將別以大事付之賞汪良臣
所部蒙古沒軍汝附四川功鈔五萬錠命嘉定以西
新附州郡及田楊二家諸貴官子俱充質子入侍車
駕幸上都乙巳命同知太史院事郭守談訪求精天
文曆數者西蜀四川道立提刑案察司丙午遣使代

不獲瀆后土詔河南

慰司頒之賞西川

端境內蒙古軍耗

馬驢價鈔衣服

歸德亮壽臨淮等處

都府河南府抵南

造回回德新附軍

能造碼者俱至京

及土渾川軍屯田

稽緩一日二日者

三日者死甲戌潭州行省遣兩

具丙寅敷中書省凡錄史文務

庚申給千戶馬乃部下拔突軍

六百及蒙古回回漢人新附人

驗驗累景三子囊加帶括兩淮

發勒各有差三月戊申朔詔禁

准招討司經歷劉鑑
為小龍蕃等處安撫
太常寺講究州郡禮
禮定擬祭祀儀式
至元州縣社稷通
一千一百二十石夏四
路轉運鹽使司宣課
注掌隨朝諸司奏聞
塔赤戰功陞招討使

昌撫下西南諸蕃以龍方零
使仍以兵三千戍之宋書省下
復制度禮官折衷前代恭酌儀
聖壇祭器制度圖寫成書名曰
以保定路旱減是歲租三
己卯立江西權茶運司及
選奉司癸巳以給事中兼起
戊戌以池州路達魯花赤
本軍萬戶癸卯填星犯鏡
兵犯成都掠其民以歸今

都城凡他所來成者
宋例輸稅以給軍餉
鏡者二萬人充侍衛
鈔萬六千錠大都等
復授宣慰司官虎符
副提舉各一員專領
招海外諸蕃不允詔
會官吏軍民若能舉
塔如故以泉州經張

皆遣歸從峻都請令泉州僧依
詔諭揚州行中書省選南軍精
軍併發其家赴京師仍給行費
六路蝗五月己酉中書省請
不允又請各路設提舉同提舉
程從之辛亥蒲壽庚請下詔
漳泉汀邵武等處暨八十四
來來降官吏例加遷賞軍民
世保兵減今年租賦之半丙辰

以五臺僧多匿逃奴及道賊之民救西京宣慰司案
察司搜索之命畏吾界內計畝輸稅以各道案察司
地廣事繁併勸農官案察司增副使僉事各一員
兼議勸農水利事甲子御史臺臣言先是省臣阿星
治言有罪者與臺臣相成同問有旨從之臣等謂行
省斷罪以意出入行臺何由舉正宜從行省問訖然
後謹察為宜制曰可高與侵用宋二王金三萬一季
一百兩有奇銀二十萬六千兩詔遣使追理詔漣
海等州募民屯田置總管府及提舉司領之乙丑敕
江陵等路撥突戶一萬九千戶置達魯花赤一員直隸

隸省部丙寅敕江南僧司文移毋輒入通臨兆
通安等十驛非有海青符不聽乘傳丁卯改雲南寶
山崑渠二照為州己巳詔沿路驛店民家凡往來使
臣不當乘者毋給人畜飲食芻料完都河南七驛
民貧乏給其馬牛羊價鈔千八百錠庚午賜乃蠻帶
戰功及攻圍重慶將士及宣慰使劉繼昌等鈔衣服
各有差壬申以呂虎來歸授順慶府總管佩虎符仍
賜鈔五十錠徙丁子峪所駐侍衛軍萬人屯田昌平
癸酉兀里養合帶言賦北京西京車牛俱至可運軍
糧帝曰民之艱苦汝等不問但知役民使今年盡取

之來歲禾稼何由得種其止之甲戌給要東合所領
工匠牛二千就令運米二千石供軍詔諭脫兒赤等
管甘州路宣課諸人毋或沮擾潭州行省上官瓊州
宣慰馬旺已招降海州四州尋有土寇黃威遠等四
人為亂今已擒獲詔置之極刑丙子進封桑乾河洪
濟公為顯應洪濟公命宗師張留孫即行宮作醮事
奏赤章于天凡五晝夜賜皇子奧魯赤撥里答等及
千戶伯牙兀帶所部軍及和州站戶羊馬鈔各有差
六月丁丑朔阿合馬言常州路達魯花赤馬恕告發
浙西案察司事高源不法四十一事源亦劾恕事聞詔

令廷辯詔發新附軍五百人蒙古軍百人漢軍四百
人戍礪門魚通黎雅詔諭王相府及四川行中書省
四道宣慰司撫治播川務川西南諸蠻夷官吏軍民
各從其俗無失常業壬午以浙東宣慰使陳祐沒王
事命其子夔為管軍總管佩虎符甲申宋張世傑所
部將校百五十八人詣瓊雷等州來降敕造戰船二
日本以高麗材所出即其地製之令高麗王議其
便以聞乙酉榆林洪贊乃窩每驛益馬百五十車二
百牛如車數給之丙戌左屯衛屯田蝗蝻生庚寅陸
濟寧府為路壬辰以叅知政事行河南等路宣慰使

忽辛為中書左丞行中書省事癸巳以新附軍二萬分隸六衛屯田徹里帖木兒言其部軍多為盜劫掠賞財有司不即理斷乞遣官詰治詔兀魯帶往治之以不花行西川樞密院事總兵入川平宋諸城之未下者仍令東川行樞密院調兵守釣魚山寨西川既平復立屯田其軍官第功陞擢凡授宣敷金銀符者百六十一人詔以高州筠連州騰川縣新附戶於叙州等處治道立驛雲南都元帥愛魯納速刺丁招降西南諸國愛魯將兵分定亦乞不薛納速刺丁將大軍抵金齒蒲驃曲蠻緬國界內招忙木臣木禿

寨三百籍戶十一萬二百詔定賦租立站遞設衛送軍軍還獻馴象十二戊戌改宣德府龍門鎮復為縣庚子拘括河西西番闌遺戶辛丑以通州水路淺舟運甚艱命樞密院發粟五千仍令令民祿諸官雇役千人開浚以五十日訖工癸卯以臨川輩昌通安等十驛歲饑供役繁重有質賣子女以供役者命還官撫治之甲辰以襄陽屯田六百代軍當驛役賜征北諸郡蒙古軍闕閤八都等力戰有功者銀五十兩戰歿者家給銀百兩從行伍者鈔一錠其餘衣物有差禁伯顏察兒諸將寨捕獲詔免四川差稅以參知政

事行中書省事別都魯丁為河南中路宣慰使以所
各馬子忽辛為潭州行省左丞忽失大海牙等並復舊
職占城馬八兒諸國遣使以珍物及象犀各一來獻
賜諸王新部銀鈔衣服帶帛鞍勒弓矢及羊馬價鈔
等各有差五臺山作佛事秋七月以申寧國路新附
軍百戶詹福謀叛福諭死授告者何士青總把銀符
仍賜鈔十錠罷西川行省庚戌禁脫脫和孫搜取乘
傳者私物乙卯應昌府依例設官置東宮侍衛軍定
江南上中路置達魯花赤二員下路一員敕發西川
蒙古軍七千新附軍三千付皇子安西王丁巳交趾

遣使來貢馴象已未以朶哥麻思地之筭木多城
為鎮西府敕以蒙古軍二千益都軍二千諸路軍一
千新附軍五千合萬人令李庭將之壬戌賞龍吉刺
所部力戰軍人銀五十兩死事者人百兩給其家阿
里海牙八覲獻金三季五百八十兩銀五萬三千一
百兩罷潭州行省遣征日本及交趾戰船丙寅瑛星
犯鍵閉癸酉西南八番羅氏等國來附洞寨凡千六
百二十有六戶凡十萬一千一百六十有八詔遣牙
納末崔或至江南訪求藝術之人以中書左丞行四
川行中書省事汪良臣為安西王相賜諸王鈔里忽

所部有功將校銀鈔衣裝幣帛半馬有差以趙州等
夏水旱減今年租三千一百八十一石命散都修佛
事十有五曰八月丁丑車駕至自上都庚辰大陰犯
房距星戊子范文虎言臣奉詔征討日本比遣周福
稟忠與日本僧賁詔往諭其國期以來年四月還報
待其從否始宜進兵又請簡閱舊戰艦以充用皆從
之海賊賀文達率衆來歸文虎文虎以所得銀三二
兩來獻有旨釋其前罪官其徒四十八人就以銀賜
文虎已丑宗降臣王虎臣陳便宜十七事令張易
可者行之庚寅赦沅州路蒙古軍總管乞答合

木籠乾狍伯洞諸蠻未附者謂江南新州
千駐太原五千駐大名五千駐衛州以每歲聖誕節
及元辰日禮儀費用皆斂之民詔天下罷之丁酉以
江南所獲玉爵及姑凡四十九事納于太廟己亥海
賊金通精死獲其從子溫有司欲論如法帝曰通精
已死溫何預焉特赦其罪庚子歲星犯軒轅大星甲
辰詔漢軍出征迭若罪死且沒其家置大護國仁三
寺總管府以散扎兒為達魯花赤李光祖為總管錫
范文虎僚屬二十一人金紋綾及西錦衣賞征重慶
將校幣帛有差賜諸王阿只吉糧五千石馬六百疋

羊萬口九月乙巳朔范文虎薦可爲守令者三十人
詔今後所薦朕自擇之凡有官守不勤於職者勿問
漢人回回皆論誅之且沒其家文直水達達軍不出
征者今隸民籍輸賦已酉罷金州守鯨軍千人量留
監守餘皆遣還庚戌詔行中書省左丞忽辛兼領杭
州等路諸色人匠以杭州稅課所入歲造繕設十萬
以進杭蘇嘉興三路辦課官吏額外多取分例今後
月給食錢或數外多取者罪之阿合馬言王相府官
趙炳云陝西課程歲辦萬九千錠所司若果盡心措
辦可得四萬錠即命炳總之同知揚州總管府事董
仲威坐贓罪行臺方按其事仲威反誣行臺官以他
事詔免仲威官仍沒其產十之二戊午王相府言四
川宣慰司有籍無軍虛受賞者一萬七千三百八人
命詰治之議罷漢人之爲達魯花赤者御史臺臣言
江南三路管課官於分例外支用鈔一千九百錠命
盡徵之詔遣使招諭西南諸蠻部族酋長能率所部
歸附者官不失職民不失業乙丑以忽必來別速台
爲都元帥將蒙古軍二千人河西軍一千人戍幹端
城己巳樞密院臣言有唐兀帶者昇禁引軍千餘人
於辰溪沅州等處劫掠新附人千餘口及牛馬銀

幣帛等而麻陽縣達魯花赤武伯不花為之鄉導敷
斬唐兀帶武伯不花餘減死論以所掠者還其民給
河西行省鈔萬錠以備支用冬十月己卯享于太廟
辛巳叙州夔府至江陵界立水驛乙酉帝御香閣命
大樂署令完顏椿等肄文武樂戊子張融訴西京軍
戶和買和雇有司匿所給價鈔計萬八千餘錠官吏
坐罪以融為侍衛軍總把千戶脫畧總把忽帶擅引
軍入婺州永康縣界殺掠吏民事覺自陳扈從先帝
出征有功乞賞死敕沒入其家賞之半杖遣之辛
辰和州貧民鈔乙未納碧玉爵于太廟丙申太陰

太微西垣上將辛丑以月直元辰命五祖真人李居
壽作醮事奏赤章凡五晝夜畢事居壽請問言皇太
子春秋鼎盛宜預國政帝喜曰尋將及之明日下詔
皇太子燕王參決朝政凡中書省樞密院御史臺及
百司之事皆先咨後聞甲辰賜高麗國王至元十七
年曆日十一月戊申敕諸路所捕盜初犯贓多者死
再犯贓少者從輕罪論阿合馬言有盜以舊鈔易官
庫新鈔百四十錠者議者謂罪不應死且盜者之
執役臣家不論如法寧不自畏詔處死壬子遣禮部
尚書柴椿偕安南國使杜中贊賞詔往諭安南

子陳日烜責其來朝癸丑太陰犯熒惑乙卯
平陽西京延安路新簽軍還籍罷招討使劉萬奴
管無籍軍願從大軍征討者趙炳言陝西運司郭同
知王相府郎中令郭恕雲盜用官錢敕尚書禿速忽
侍御史郭祐檢覈之戊辰命湖北道宣慰使劉深教
練鄂州漢陽新附水軍詔諭四川宣慰司括軍民戶
數己巳以梧州妖民吳法受扇惑藤州德慶府龍水
徭蠻為亂獲其父誅之併教坊司入拱衛司十二月
戊寅發粟鈔賑鹽司竈戶之貧者括甘州戶庚辰宴
南國貢藥財甲申祀太陽丙申敕樞密翰林院官就

中書省與唆都議招收海外諸番車丁酉八里灰貢
海青回回等所過供食羊非自殺者不食百姓苦之
帝曰彼吾奴也飲食敢不隨我朝乎詔禁之詔諭海
內海外諸番國主賜右丞張惠銀五千四百兩敕自
明年正月朔日建醮于長春宮凡七日歲以為例命
李居壽告祭新歲詔諭占城國主使親自來朝唆都
所遣闍婆國使臣治中趙玉還改覃州兗州隸濟寧
路復置萬泉縣隸河中府改垣曲縣隸絳州降歸州
路為州陞沔陽安陸各為府改京兆為安西路改
州建寧梧州柳州象州邕州慶遠賓州橫州

州並為路建聖壽萬安寺于京城帝師亦憐去
諸國教師禪師百有八人即大都萬安寺設齋國
賜衣是歲斷死罪百三十二人保是壽二十餘路水
旱風雹害稼

元史卷一百一十五
帝曰此寺於中壇會壇不願非時亦禁之
武青四四等故強給金羊非自強決不令百
不

